

四庫全書

史部

欽定四庫全書

欽定大清一統志卷三百六十八

雲南省

在京師西南八千二百里東西距二千五百一十里南北距一千一百五十里東至廣

西泗城府界七百五十里西至神護關接野人界一千七百六十里南至交趾界七百五十里北至四川寧遠府會理州界四百里東南至廣西鎮安府界一千一百四十里西南至天馬關接緬甸界二千三百一十里東北至貴州南籠府普安州界四百三十里西北至吐蕃界二千里

分野天文東井與鬼分野鶉首之次

建置沿革禹貢梁州南境秦為西夷滇國漢武帝元

封二年開置益州郡屬益州部刺史兼為牂牁郡

西境

今廣南廣西
二府州地

越雋郡西南境

今麗江府及
永北廳地

後

漢分益州郡西境置永昌郡

後漢永平十二年割
益州郡西部都尉置

屬益州部今永昌鶴慶
大理姚州四府州地

三國漢建興二年改益州

郡置建寧郡又分建寧永昌置雲南郡

今大理姚
州二府州

地分建寧牂牁置興古郡

今廣西州及曲靖府
之霑益羅平三州地

晉

泰始七年分益州置寧州

領雲南興古建寧永
昌四郡統縣四十五

太

康三年廢寧州入益州

置南夷校尉以護之
監五十八部蠻族

太安

二年復置寧州

時又分建寧以西之七縣別立為益州郡永嘉二年改益州郡為晉

寧郡分牂牁立平夷夜郎二郡是時其地再為李雄所有其後李壽分寧州興古永昌雲南朱提越

嵩河陽六郡為漢州咸康四年分牂牁夜郎越嵩朱提四郡置安州八年罷併寧州以越嵩還屬益

州省永昌郡劉宋因之領郡十五建寧晉寧牂牁平蠻夜郎朱提南廣建都

西平西河東河陽雲南蕭齊時為寧州鎮領郡三興寧興古梁水十五郡

十左建平南廣南朱提南牂牁梁水建寧晉寧雲南西平夜郎東河陽西河陽平蠻興古興寧西

河平樂北朱提宋昌永昌益寧梁大同中置南寧又有南牂為等九郡不領縣

州太清二年繫瓚竊據

唐書南蠻傳自曲州靖州西南昆州曲甌晉寧喻獻

安寧距龍和城通謂之西蠻白蠻自彌鹿
升麻二川南至步頭通謂之東蠻烏蠻 隋開皇

初遣使朝貢因置恭州協州昆州尋廢唐武德元

年復開南中置南寧州四年置總管府 舊唐書志
州管南寧

恭協昆尹會姚 又置姚州都督府 並置州 七年改
西濮西宗九州

南寧總管為都督 督西寧豫西利南雲廩南籠
七州並前九州為十六州 八

年改南寧為郎州 新唐書南蠻傳蠻蠻西有徒莫
祇蠻貞觀二十三年內屬以其

地置傍望覽印求 永徽初罷郎州都督更置戎
州隸郎州都督府

州都督 新唐書志諸蠻州九十二皆無城邑椎髻
皮服惟朱集於都督府則衣冠如華人焉

天寶末沒於南詔蒙氏大中中蒙氏自號大禮國

滇載記光化四年鄭買嗣滅蒙氏改國號曰大長和五年後唐天成三年趙善政代之改國號曰大

天興清泰中楊干真又奪之改國號曰大義寧尋為段思平所滅石晉天福二年

段氏改國號曰大理宋初仍為大理國

滇載記元符二年段

氏絕高昇泰改國號曰大中國既而復求段氏立之號曰後理國元憲宗三年滅

之收府八郡四部三十七及至元八年分三十七

部為南北中三路路設達魯噶齊并總管十三年

立雲南諸路行中書省治中慶路領路三十七府

二屬府三屬州五十四屬縣四十七

大德三年罷雲南行御史

臺立雲南諸路道肅政廉訪司領中慶威楚武定
鶴慶麗江等路又曲靖宣慰司領曲靖澂江普定
等路臨安宣慰司領臨安廣西元江等路大理金
齒宣慰司領大理金齒等路又金齒等處宣撫司
領柔遠茫施鎮康鎮西平緬麓川等路又有烏撒
烏蒙宣慰司而廣南西路宣撫司元史闕達嗜噶
齊舊作達魯花亦今改正
明洪武十五年置雲南布政使司改

中慶路為雲南府治馬領府十二

雲南大理臨安
楚雄澂江蒙化

景東廣南廣西
鎮沅永寧順寧
軍民府七

曲靖姚安鶴慶武定尋
甸麗江元江嘉靖元年

又置永昌
軍民府

直隸州一

勝北

本朝因之領府二十

康熙八年降尋甸為州屬曲靖府三十七年升北勝州為永北

府 羈縻府一州三宣慰司一宣撫司四副宣撫司

二安撫司三雍正元年改麗江土府為麗江府二

年改威遠土州置直隸同知四年改隸四川之東

川府來屬五年添設鎮沅府又改隸四川之烏蒙

鎮雄二府來屬六年降鎮雄為州屬烏蒙府七年

置普洱府九年改烏蒙府曰昭通府乾隆三十一

年永北府改為直隸廳三十五年又改廣西武定

鎮沅元江四府皆為直隸州景東蒙化二府皆為
直隸廳姚安府省入姚州改隸楚雄府鶴慶府改
為州隸麗江府威遠同知改隸普洱府凡領府十
四直隸同知三直隸州四廳三府領之州二十七
縣三十九土府一州一

雲南府	曲靖府	臨安府	潞江府	廣南
府	開化府	東川府	昭通府	普洱府
大理府	楚雄府	永昌府	順寧府	麗江

府 廣西州 武定州 元江州 鎮沅州

永北廳 蒙化廳 景東廳

形勢東接黔蜀

東川曲靖二府之東接貴州昭通府西北接四川東南接貴州又武定姚

州之北及永寧土府南控交趾臨安開化二府與安南接界西

之東皆與四川接界擁諸甸永昌以西皆蠻甸也北距吐蕃麗江府及永寧土府之北與西蕃接界

其名山則有點蒼雞足高黎共玉龍其大川則有

金沙江瀾滄江路江滇池西洱河其重險則有石

門誠梁益之舊區西南之重鎮也

文職官

雲南貴州總督

駐雲南府雍正六年兼制廣西為三省總督十三年仍改為雲貴總

督

巡撫

提督學政

布政使

經歷

庫大使

濟用

按察使

經歷

司獄

糧儲水利道

驛傳鹽法道

兼轄雲南武定二府州

庫大使

分巡迤東道

雍正八年設駐尋甸州轄雲南曲靖等十三府乾隆三十一年將雲南武

定歸驛鹽道轄普洱元江鎮沅臨安歸新設之迤南道轄本道專轄澂江等七府州

分巡迤西兵備道

雍正八年改分守永昌道設駐大理府轄大理楚雄等十府乾

隆三十一年永北改廳三十五年姚安鶴慶改州分屬楚雄麗江二府蒙化景東並改廳共轄

大理等八府廳

分巡迤南兵備道

乾隆三十一年設駐普洱府轄普洱鎮沅元江臨安四府州

雲南府知府 同知 通判 府學教授 訓導

經歷

知州四員

嵩明晉寧州同一員

昆陽雍正

十年設駐海口

州學學正四員

訓導四員

吏目四

員

知縣七員

昆明富民宜良呈貢羅次祿豐易門

縣丞一員

昆明

縣移駐板橋

縣學教諭七員

訓導七員

典史七

員

曲靖府知府

捕盜同知

府學教授

訓導

司獄

知州六員

霑益陸涼馬龍羅平尋甸宣威

州學學正六

員

訓導六員

吏目六員

知縣二員

南寧平彝

縣學教諭二員 訓導二員 典史二員 巡

檢四員

白水裁白水驛丞設以白崖巡檢移駐炎松裁炎方松林二驛丞設易古裁易

隆古城二驛丞設以寶秀巡檢移駐俱乾隆二十二年設可渡兼管可渡倘塘二驛務 白

井提舉司

鹽大使三員

白石谷井安豐井白鹽井

臨安府知府 同知 府學教授 訓導 經歷

知州三員

石屏阿迷寧

州學學正三員

訓導三

員 吏目三員

知縣五員

建水通海河西嶧峨蒙自

縣學

教諭五員 訓導五員 典史五員 巡檢一員

曲江

徽州府知府

府學教授

訓導

司獄

知州

二員

新興路南

州學學正二員

訓導二員

吏目

二員

知縣二員

河陽江川

縣學教諭二員

訓導

二員

典史二員

廣南府知府

府學教授

訓導

經歷

知縣

一員

寶寧乾隆三十五年設

典史

開化府知府

康熙六年改土官設

同知

駐接壤

府學教授

訓

導

知縣一員

文山雍正七年設

典史

東川府知府

府學教授

雍正六年設

經歷

雍正六年設駐巧家

營知縣一員

會澤雍正五年設

典史

雍正六年設駐者海

巡檢二

員

縣東侍補縣西則補雍正六年設

昭通府知府

雍正六年改土官設烏蒙府知府九年改今名

同知

雍正九年設駐

大通判

雍正九年移駐魯甸

府學教授

經歷

知事

駐大

關知州一員

鎮雄雍正六年改土府設

州同

雍正六年設駐彝良州判

雍正六年設駐威信

州學學正

吏目

俱雍正六年設

知縣二員

恩安雍正九年設永善雍正六年設

縣學教諭

善永縣丞

駐副官村雍正十三年

設典史二員

俱新設

巡檢三員

古寨大關鹽井渡
毋亨俱雍正六年

設

普洱府知府

雍正七年設

同知二員

一駐思茅雍正十年設一駐威遠

雍正三年設乾隆
三十五年改隸府

通判

雍正十年將元江
通判移駐他郎

經歷

巡檢

駐思茅

知事

駐威遠

鹽大使

抱母井威遠同知屬

知縣

一員

寧洱附郭雍正
十三年設

教諭

訓導

駐他郎

典史

大理府知府

捕盜同知

通判

雍正六年移駐彌渡

府學

教授訓導

司獄

知州四員

趙鄧川賓
川雲龍州

學學正四員 訓導四員 吏目四員 知縣

三員

太和雲南浪穹

縣丞一員

太和

縣學教諭三員

訓

導三員

典史三員

巡檢一員

赤石崖

鹽大使

一員

大井

楚雄府知府 府學教授 訓導 司獄 知州

三員

南安鎮南姚州

州判二員

南安雍正九年設嘉姚州雍正十年設

駐硤

晉湖

州學學正三員

訓導二員

南安鎮南

吏目三員

知縣四員

楚雄定遠廣通大姚

縣學教諭四員

訓導

四員

廣通訓導分駐琅井

典史四員

巡檢一員

定邊

鹽大

使一員

阿陋井

黑井提舉司

鹽大使三員

阿陋井駐

廣通復隆井黑益井

琅井提舉司

永昌府知府

同知

駐龍陵

府學教授

訓導

司

獄

知州一員

騰越

州判

駐南甸

州學學正

訓導

吏目

知縣二員

保山永平

縣學教諭二員

訓

導二員

典史二員

巡檢四員

龍陵廳沙木和施甸龍川

江

順寧府知府

通判

駐緬寧乾隆十年右甸移駐

府學教授

訓導

經歷

駐石甸

知事

巡檢

緬猛

知州一員

雲

州學學正

訓導

吏目

知縣一員

順寧乾隆三十

五年設

縣學教諭

訓導

典史

麗江府知府

雍正元年改土官設

同知

駐中甸乾隆二十一年改州判設以楚雄

府同知移駐

通判

駐維西雍正五年以鶴慶府通判移駐

府學教授

訓導

經歷

雍正元年設

知事

乾隆四年添設

鹽大使二員

麗江井雍正六年設彌沙井

知州二員

鶴慶劍川乾隆三十五年降鶴慶為州井

劍川州學學正二員 訓導二員 吏目二員
來屬

知縣 麗江教諭 訓導 典史

廣西州知州
乾隆三十五年改府為州判 雍正五年移通判駐五槽乾隆三十

五年改州判 州學學正 訓導 吏目 知縣二員

彌勒縣丞一員
師宗雍正八年設州同駐邱縣北乾隆三十五年改縣丞

學教諭二員 訓導二員 巡檢一員
彌勒縣竹園村

典史二員

武定州知州
乾隆三十五年改府為州 州學學正 訓導 吏

目 知縣二員 元謀 縣學教諭二員 訓導二

員 典史二員 巡檢一員 駐金沙江

元江州知州 順治十七年改土官設知府 乾隆三十五年改府為州 州學學

正 吏目 知縣一員 新平 縣學教諭 訓導

典史 巡檢二員 因遠揚武壩

鎮沅州知州 雍正五年改土官設知府 乾隆三十五年改府為州 州學學正

訓導 吏目 鹽大使 按板井 巡檢 新撫 知縣一

員 恩樂雍正五年設 縣學教諭 典史

永北廳直隸同知

康熙三十七年改知州設知廳
乾隆三十五年改直隸廳

學教授

訓導

經歷

知事

蒙化廳直隸同知

廳學教授

訓導

經歷

巡檢三員

南澗瀾滄
江漾倫司

景東廳直隸同知

廳學教授

訓導

經歷

巡檢一員

猛統雍正
十年設

武職官

督標中軍副將

都司

雍正十一年
改守備府

千總二員

把總四員

左營遊擊

守備

千總二員

把總四員

右營遊擊

守備

千總二員

把總四員

原設前後營遊擊守備千總把總共十六員俱于乾隆三十五年裁汰

撫標中軍叅將

左營

守備

千總二員

把總四員

右營遊擊

守備

千總二員

把總四員

提督總兵官

駐大理府

中軍叅將

守備

千總二員

把總四員

左營遊擊

守備

千總二員

把總四員

右營遊擊

守備

千總二員

把總四員

原設前後二營遊擊守備千總把總共十六員乾隆三十五年裁汰

臨元鎮總兵官

駐臨安府

中營遊擊

守備

千總二

員

一員分防
歙江府

把總四員

二員分防
江驛寶秀鄉

左營都司

守備

千總二員

一員分防
新興州

把總四員

三員分防

阿迷州寧
州通海縣

右營都司

守備

千總二員

一員分防

江川縣

把總四員

三員分防
路南州河西縣

開化鎮總兵官

駐開化府

中營遊擊

守備

千總二員

把總四員

左營都司

守備

千總二員

把總四員

三員分防江那牛羊箐口八寨

右營都司

守備

千總二員

一員分防壩洒

把總四員

三員分防馬街子老寨新現

鶴麗鎮總兵官

駐鶴慶州

中營遊擊

守備

千總二

員 把總四員

左營都司

守備

千總二

員

一員分防石鼓

把總四員

二員分防打古姜營

右營都司

守備

駐阿喜

千總二員

一員分防麗江府

把總四員

一員分防

觀音山二員分防麗江

昭通鎮總兵官

雍正六年設駐昭通府

中營遊擊

守備

千總二員 把總四員 在營遊擊駐大關守備

駐大關千總二員 把總四員 右營遊擊駐善縣

守備駐都千總二員 把總四員 前營遊擊

駐涼山守備駐魯甸千總二員 把總四員

普洱鎮總兵官雍正九年設中營遊擊 守備

千總二員 把總四員三員分防思茅左營遊

擊駐威遠守備駐鎮沅府千總二員一員分防威遠把總四員

分防猛旺猛林右營遊擊駐攸樂守備駐思茅千總

二員

分防攸樂三家坡

把總四員

二員駐攸樂二員分防猛烏猛養

騰越鎮總兵官

駐騰越州乾隆四十年裁永順鎮改設

中營遊擊

守備

千總二員

把總四員

左營都司

守備

千總二員

把總四員

以上八員駐南甸

右營

都司

守備

千總二員

把總四員

以上八員分汛

地方

曲尋協副將

駐曲靖府

中營都司

左營守備

千總

二員

一員分防南寧

把總四員

分防易隆馬龍州法朗剛得

右營守

欽定四庫全書

卷三百六十八

十四

備 千總二員

分防陸涼羅平

把總四員

分防羅平州板橋大水井

儼頭山

恩勤村

龍陵協副將

原設遊擊乾隆十年移騰越協設

中軍都司

守備

千總二員

把總六員

俱駐龍陵廳城奇兵營原設叅將後改都

司乾隆三十年裁汰

守備

千總二員

一員分防大水塘

永昌協副將

駐永昌府乾隆四十年移楚姚協改設

中營都司

左

營守備

千總二員

把總四員

右營守備

千總二員

把總四員

三員分防白木鋪杉木和永平縣

廣羅協鎮副將

駐廣西州

都司

雍正十一年改守備設

千總二員

把總四員

三員分防師宗縣彌勒縣彌勒營

維西協鎮副將

雍正六年設叅將乾隆十三年改營為協

中軍都司

千總二員

把總四員

雲南城守營叅將

舊駐楊林康熙二十年移駐府城

中軍守備

千總二員

一員分防呈貢

把總四員

分防楊林易門安寧富民

永北營叅將

駐永北廳城乾隆三十年裁永北鎮改設

左營守備

千總二員

把總四員

一員分防習甸

右營守備千

總二員

一員分防
蕨蘆州

把總四員

一員分防
北山關

武定營叅將

康熙二十一年
設驛武定州

中軍守備

千總二

員

一員分
防撒甸

把總四員

分防雞街虛仁
驛大麥地撒甸

元江營叅將

舊設副將雍正七年改協為營
歲鎮九年仍隸臨元鎮乾隆三十八

年改今制
元江州城

駐

中軍守備

千總二員

把總四

員

一員分
防他郎

尋甯營叅將

雍正七年改遊
擊設駐宣城州

中軍守備

千總二

員

把總四員

三員分防倘塘
可渡橋炎方驛

廣南營叅將

駐廣南府雍正四年改遊擊設

中軍守備

千總二

員

一員分防土富州

把總四員

分防者益命帖剌隘楊五法車

新嵎營叅將

康熙二十七年改守備設駐新平縣

中軍守備

千總

二員

分防嵎峨舊哈

把總六員

三員分防漫干壩揚武壩酒冲壩

東川營叅將

雍正四年改遊擊設自四川來屬

左軍守備

千總

一員

把總三員

右軍守備

雍正九年添設駐巧蒙

千

總一員

雍正九年添設分防五竜

把總三員

雍正九年添設一員分防者海

順雲營叅將

乾隆四十年改都司設駐順寧府

中軍守備

千總

二員

一員分防雲州

把總四員

鎮雄營叅將

雍正四年設駐鎮雄州

守備二員

雍正九年添設右軍守備

千總二員

雍正九年添設一員分防彝良汛

把總六員

雍正九年添設

三員三員分防

西長官司迴龍溪

楚雄營遊擊

原設楚姚鎮後改協乾隆四十一年裁改駐楚雄府

中軍守備

千總二員

把總四員

三員分防鎮南州定遠縣普湖

大理城守營都司

中軍守備

千總二員

把

總四員

二員分防浪穹彌渡

景蒙營都司

駐景東廳原設參將
乾隆四十年改設

千總二員

分防
蒙化

府福把總

四員

二員分防
景谷仰里

劍川營都司

駐劍川州原設副將
乾隆四十年改設

千總一員

分防
樹苗

把總二員

分防通
甸吉尾

普安營都司

乾隆四十年
設駐普安城

中軍守備

千總二員

把總四員

戶口

原額軍民人丁二百二十五萬五千六百六十六
滋生不加賦丁八十二萬七千七百九十三

田賦

民田地八萬三千六百零三頃一十一畝六分
三厘七田九千二百八十八頃一十五畝一

分六厘 夷田八百二十四畝 共額徵地丁銀一十萬九千五百九十七兩四錢零 夏稅秋糧 麥米 豆 菽 雜糧 共二十三萬三千四百三十三石二斗零

名宦漢張喬

安帝初為益州刺史 元初四年 越雋夷 封離叛 永昌三郡夷應之 衆至十餘萬

破二十餘縣 詔喬選堪能從事者 討之 喬遣楊妹 擊破離等 離乞降 三十六種皆附 喬因奏長史 奸猾激亂者 九十人 皆 龐芝 益州刺史 熹平 三國漢 滅死論諸夷 遂定 五年 討平叛夷

諸葛亮

琅邪人 建興元年 領益州牧 益州耆帥 雍 閭 殺太守 求附於吳 又使郡人孟獲誘煽

諸夷 牂牁 越雋 皆判 三年 亮率衆南征 所在戰捷 由越雋入 斬閭等 聞孟獲為夷漢所服 乃募生致 之 使觀營陣 復縱使更戰 七縱七擒 猶遣獲獲止 不去 曰 公天威也 南人不復反矣 遂至滇池 南中

平皆即其渠
帥而用之
晉李毅
天水人太康中為南夷校尉
太安元年毛詵等叛討平之

以毅為寧
州刺史
王遜
魏興人惠帝末西南夷叛寧州刺
史李毅卒城中百餘人奉毅女固

守永嘉四年治中毛孟詣京師求刺史乃以遜為
南夷校尉寧州刺史遜與孟俱行道遇寇賊踰年

乃至外逼李雄內有夷寇吏士散沒城邑邱墟遜
披荒糾厲收聚離散誅豪右不奉法度者數十家

征伐諸夷俘馘千計於是莫不振服威行寧土元
帝初累加安南將軍遜以地勢形便上分牂牁為

平夷郡分朱提為南廣郡分建寧為夜郎郡分永
昌為梁水郡又改益州郡為晉寧郡事皆施行

唐韋仁壽
京兆萬年人高祖時擢為州都督府長
史南寧州納款朝廷歲遣使撫接至率

貪沓邊人苦之多叛去帝素聞仁壽治理詔檢校
南寧州都督仁壽將兵五百人循西洱河開地數

千里稱詔置七州十五縣酋豪皆來賓見即授以
牧宰威令簡嚴人人安悅將還酋長泣曰天子藉
公鎮撫奈何欲去我仁壽以池壁未立為解諸酋
即相率築城起廨甫旬畧具仁壽告以實父老乃
悲啼祖行遣子弟隨趙孝祖永徽初以左領將軍
貢方物天子大悅為郎州道行軍總管
討白水蠻大勃弄楊承顛至羅什侯山大破之遂
北至周近水孝祖上言小勃弄大勃弄常誘弄棟
叛今因破白水請遂西討詔可孝祖軍入夷人皆
走險進至大勃弄執承顛餘也大者數萬小數十
皆破降之西元烏里特哈達蒙古人憲宗二年命
南夷遂定
哈達總督軍事至昆澤擒其王既興智出師凡二
年平大理五城八府四郡洎烏白等蠻三十七部
請悉置郡縣從之加大元帥鎮大理信苴日
烏里特哈達舊作兀良合台今改正
氏

之後中統二年詔領大理善闡等城自各萬戶以下皆受其節制至元元年舍利畏及三十七部諸蠻叛信苴日率衆進討連大破之蠻部平十一年為大理總管舍利畏復叛以計殺之於是置郡縣署守令行賦役施政教與中州等帝嘉其忠勤累進大理威楚金齒等處宣慰使都元帥復拜為雲南行省

張立道

大名人至元十年授大理等處巡行勸農使佩金符地有昆明池介

金馬碧雞之間環五百餘里夏潦暴至必冒城郭立道求泉源所自出役丁夫二千人治之洩其水得壤地萬餘頃皆為良田蠻獠之人雖知蠶桑而未得其法立道教之飼養收利十倍於舊雲南由是益富庶獠獠諸山蠻慕之

賽音諤德齊沙木思

迪音

回回人至元十一年平章政事行省雲南俗無禮儀男女往往自相配偶親死則火之

為喪祭無祀稻桑麻子弟不知讀書賽音諤德齊
教之拜跪之節婚姻行媒死者為之棺槨奠祭教
民播種為陂池以備水旱創建孔子廟明倫堂購
經史授學田由是文風稍興西南諸夷翕然款附
居雲南六年卒百姓巷哭帝思賽音諤德齊功詔
雲南省臣賽音諤德齊成規不得輒改賽音諤
德齊沙木思迪音舊作尼雅斯拉迪音賽音諤德
賽典赤瞻思丁今改正
迪音長子至元十七年授雲南行中書左丞尋陞
右丞建言三事其一謂雲南省規措所造金簿質
易病民宜罷其一謂行省既兼領軍民則元帥府
亦當罷其一謂雲南官員子弟入質惟達官子弟
當遣餘宜罷奏可尼雅斯多爾濟西夏寧州人
拉迪音舊作納速剌丁今改正
南康訪副使使會諸蠻叛僚佐悉稱故去濟獨居守
後為康訪使使楚夷與蠻相仇殺省臣受楚賂誣奏

蠻叛殺良民濟泰効廢之
多
額森布哈 蒙古人
爾濟原本作孫兒赤今改正 正元二

十三年拜雲南諸路行中書省平章政事時阿郎
可馬丁焚夷為變討平之遂立登雲路府州縣六
十餘所得戶二十餘萬官其酋長定其貢稅
邊境以寧 額森布哈舊作也先不花今改正 程思

廉 東勝州人至元二十六年立雲南行御史臺思
廉為御史中丞始至蠻夷酋長來賀意甚倨思

廉奉宣上意綏懷遠人且明示禍福聞者懾服雲
南舊有學校而禮教不興思廉振起之始有從學

問禮 劉正 靖州人大德元年為雲南行中書省左
丞雲南民歲輸金銀甸寨遠者季秋遣

官領兵往徵人馬費歲以萬計所差官必重賂省
臣乃得遣徵收之數必十加二而折閱之數及送

迎餽亦如之正首疏其弊給官庫克新 賽音諤
秤俾土官身詣官輸納其弊始革 德齊沙

木思廸音第三子大德時為雲南行省右丞條具
諸不便事言於宗王王不可庫克新與左丞劉正
馳還京師有旨令宗王協力施行由是一切病民
之政悉革豪民規避繇役投充王府宿衛庫克新
按朝廷元額所無者悉籍為民減其宿衛三分之
二令諸郡邑遍立廟學選士為教官文風大興
庫克新舊作明沐英定遠人洪武中以西平侯征
忽辛今改正南乘霧趨白石江生擒達里麻回梁王走死屬郡
皆下遂拔大理分兵收未收諸蠻設官立衛守之
詔英留鎮思倫發寇定邊衆號三十萬英大破之
諸蠻震懼麓川始不復梗入朝帝親撫之曰使我
高枕無南顧憂者汝英也英後先鎮雲南十年簡
守令課農桑墾田至百萬餘畝滇池隘浚而廣之
無復水患通塩井之利以來商旅辦方物以定貢
稅視民數以均力後疎節濶目民以便安卒之日

軍民巷哭遠梅思祖夏邑人洪武十五年以汝南侯從傅友德平雲南署雲南

吏亦為流涕思祖善張統富平人洪武中雲南平出撫輯遠人安之為右叅政歷左布政使治

行為天下第一為布政使十三年凡土地貢賦法令條格皆統所裁定民間喪祭冠婚咸有定制務

變其俗滇沐春英長子嗣爵鎮雲南洪武二十七年平越舊蠻立瀾滄衛其冬阿資

人遵用之沐春英長子嗣爵鎮雲南洪武二十七年平越舊蠻立瀾滄衛其冬阿資

復叛春擣其巢擒阿資越州遂平春在鎮七年大修屯政鑿鐵池河灌宜良迺田數萬畝民復業者

五千餘戶民陳迪宣城人洪武中除雲南右布政使普定曲靖烏撒烏蒙諸蠻煽

亂迪率土沐晟英次子建文元年嗣侯爵鎮雲南兵擊破之平思倫發餘黨以其地為三府二

州五長官司永樂四年拜晟征夷左副將軍從張輔平交趾進封黔國公予世券仁宗立加太傅鑄

征南將軍印給之世鎮其地自是為定制子孫相承鎮守二百餘年羣蠻服其威無敢大肆南服賴

之王恕

三原人成化十二年以右都御史巡撫雲南時鎮守中官錢能貪恣甚恕廉得其私

通外國狀劾能罪當死恕居雲南僅九月威行徼外黔國以下咸惕息奉令疏凡二十上直聲動天

下當是時安南納江西叛人王姓者為謀主潛遣謀入臨安市銅鑄兵器欲伺間襲雲南微恕事且

不測王詔

趙州人宏治元年以右副都御史巡撫雲南土官好爭襲所司入其賄變亂曲直生

邊患詔不通苞苴一斷以法且去弊政之不便者諸夷歸命邊徼寧戢

林俊

莆田人宏治元

年擢雲南副使鶴慶元化寺稱有活佛歲時集士女萬人爭以金塗其面俊命焚之得金悉以償民

逋又毀淫祠三百六十區皆撤其材修學宮千厓土舍刀怕愈欲奪從子宣撫官劫其印數年俊檄

諭之遂歸印
楊繼宗
陽城人
宏治初以僉都御史
巡撫雲南
繼宗嘗為雲南副

使三司多舊僚相見歡然既而出位揖之曰明
日有公事諸君幸相諒遂劾罷不職者八人
郭

緒
太康人
宏治中為雲南叅議孟養思
謀搆怨不已巡撫命緒往諭之緒單騎從數人

行旬日至南甸斬棘徒步引繩以登及至孟賴去
金沙江僅二舍手為檄使馳過江諭以招徠意蠻

人相顧驚曰中國使竟至此乎發兵率眾馮數萬
夜渡江環緒數重從行者懼請勿進緒拔刀叱曰

明日必渡江思祿聞遣使來聽命思祿亦繼至緒
先叙其勞次白其冤狀然後責以叛諸酋聞咸俯

伏呼萬歲請歸侵
賀元忠
吳縣人
宏治中為金騰
地及前所留使人

行李蕭然土人聚百金於驛為贖元忠正色
却之送者皆號泣後人目其亭曰却金亭
唐龍

蘭谿人正德時以御史巡按雲南錢寧義父恭將
盧和坐罪當死寧為奏辨下鎮撫覆勘會遣官錄
囚受寧屬欲出和為龍所持卒正其罪王官鳳朝
明坐罪死革世職寧令滇人為保舉而矯旨許之
龍抗疏爭何孟春巡撫雲南彌勒州十八寨蠻酋
寢其事

阿勿阿寺為亂焚掠寧州通海孟陳察常熟人以御
春討斬阿勿生擒阿寺諸寨悉平

史巡按雲南助巡撫何孟春討定彌勒州世宗即
位疏言金齒騰衝地極邊徼既統以巡撫總兵又

有監司守備分轄無事鎮守中官因陳洪謨武陵
勅太監劉玉都督沐崧罪詔並罷還

德時為雲南按察使鎮守中官史泰金騰分守中
官劉玉假進貢名索金寶洪謨檄所司毋奉行泰

縱家人橫於道劉節大庾人正德時為金騰道兵
洪謨執而治之

官貪甚節力為裁抑權貴姜龍太倉人正德末遷
側目革鎮之議自此始雲南副使備兵瀾

滄姚安滇故盜藪龍讓土酋酋懼撫諭羣盜悉聽
命巨盜方定者既降而貧為妻妾所詬不忍負龍

竟仰藥死在滇唐宵瓊山人嘉靖初擢金騰副使
四年番漢大治王酋莽信虐計擒之木邦孟

養搆兵宵遣使宣諭顧應祥長興人嘉靖時以右
木邦土酋遂獻地副都御史巡撫雲南

昆陽新興賊作亂應祥與巡按毛鳳韶等討平之
居三年所規畫便宜凡二十餘疏雲南人深德之

歐陽重虛陵人嘉靖六年以右僉都御史巡撫雲
南時尋甸土酋安銓鳳朝文反攻圍會城

重督兵擊敗之朝文計窮絕普渡河走追兵至殲
馬銓逃尋甸為土兵所執賊盡平緬甸木邦諸酋

數相讎殺重諭以禍福皆還侵地供貢如故重乃
卹創殘賑貧之輕徭賦規畫益鐵商稅屯田諸務

民咸使之雲南歲貢金千兩費不貲大理蒼山產
奇石鎮守中貴遣軍匠鑿山壓死無算重皆疏論
浮費大省汪文盛崇陽人嘉靖十五年以雲南按
山得永閑汪文盛察使就拜右僉都御史巡撫其
地時安南莫登庸篡位朝議致討文盛乃廣設方
畧招攜懷遠有武文淵者以所部萬人降又招安
南旁近諸國助討皆聽命登庸懼奉表請降願修
貢文盛以聞朝議不許既而毛伯溫至南寧受登
庸降卒如鮑象賢歙人嘉靖十五年為雲南副使
文盛議鮑象賢巡撫汪文盛受命討安南象賢
言勦不如撫文盛然之屢遷右副都御史代石簡
撫雲南集土漢兵七萬討沅江土舍那鑑鑑懼仰
藥死擇那曾鈞進賢人嘉靖中為雲南副使兩司
氏後立之曾鈞赴黔國公率廷謁鈞始正其禮且
磬還所侵麗呂光洵新昌人嘉靖末以右都御史
江府民地巡撫雲南時苗夷阿方李向

陽等為亂光洵督兵討平之武定王首鳳繼祖叛
趣兵討學繼祖遂授首黔國公沐朝弼數致厚賄

却不受且發其罪朝弼歸鄒應龍長安人隆慶時以
結權貴傾光洵遂罷歸兵部右侍郎巡撫

雲南至則發黔國公沐朝弼罪朝弼竟被逮萬歷
改元鐵索菁賊作亂討平之又討叛番柵發多斬

獲鄧子龍豐城人萬歷十一年為叅將鎮永昌時
姦人罕度與岳鳳導緬甸入寇諸土司

皆響應子龍至大破之斬罕度其子招罕招色奔
三尖山自謂得天險子龍傾知賊間道直搗其巢

生擒二賊乃撫流移數千人會劉綎亦俘岳鳳以
至帝悅進子龍副總兵官尋坐事褫職後丁改十

寨賊作亂子龍蕭彥涇縣人萬歷中以右副都御
大破之復官史巡撫雲南隴川兵大譟兵

備姜忻撫定之而其兵素驕給餉小緩遂作亂過
會城彥調兵攻之斬首八十脅從皆撫散自緬甸

叛孟養車里二宣慰久仍沐天波黔國公沐英十

不貢至是修貢彥撫納之

滇乙酉沙賊陷省城走保楚雄與副使楊畏知協

力固守李定國入滇賊解國走孫可望遣人招天

波執義不赴乃約共討賊國恢復從永明王入編

諸臣多傲慢天波獨事之甚謹後緬酋謀獻永明

誘天波至木城天波察有變與王起隆林旗鼓等

囊石為鎚擊殺數十人遂死之其子志亮被執亦

不食死當沙賊陷城時母陳氏妻焦氏皆自焚死

本朝康熙六十年崇祀乾隆四十一年賜諡

忠節楊畏知寶雞人崇禎中為雲南分巡金滄副使

武定土官吾必奎反陷楚雄畏知督兵

誅必奎駐其地會沙定州之亂諸郡皆陷西攻楚

雄畏知固守賊引去後孫可望西畧畏知拒戰敗

投水不死踞而罵可望素重其名折矢誓共討賊

畏知要以不殺人不焚廬舍迨西八府免屠戮畏

知力也後以忠直為可望所殺楚雄人以畏知守城功為立祠以祀乾隆四十一年賜謚忠節

本朝趙廷臣

奉天鑲黃旗人順治十八年任雲貴總督兵燹之餘繼以荒歉廷臣調劑兵民

甚有恩惠性不喜繁侈每行部不過數騎竟有不知其至者

李天浴

奉天鑲藍旗人康熙

七年任雲南巡撫廉明勤慎屬吏凜然無敢犯法者吳三桂奏請徙滇民天浴力疏止之民賴以安

甘文焜

奉天正藍旗人康熙七年任雲貴總督時吳三桂逆節已萌僭侈踰法文焜持大體

多所裁抑及三桂叛文焜死之其時前營遊擊閻洪標後營遊擊林宗珍皆于安南衛奮勇接戰同

時死之事聞

李興元

遵化人康熙十年任按察使方正執法嚴抑藩兵不許違

賜卹蔭

禁取利及準折民間子女吳三桂叛守節不屈杖之下獄尋安置蒙化遇害

趙良棟

寧夏

人康熙十九年授雲南總督時大帥圍雲南久不下夾棟馳至督諸軍追攻逼之三日賊潰納款
良棟欽兵不入城即日率所部蔡毓榮奉天正白
超由靖秋毫無犯有古良將風
十九年授綏遠將軍同諸軍恢復雲南賊平後改
授雲貴總督時逆氛初靖流離載遠毓榮招撫散
亡給牛種勸耕作流民漸復業奏上王繼文廣寧
籌滇十疏設施各有條理滇人德之
熙二十年任布政使大兵討吳逆步騎數十萬米
芻關供議欲取食民間繼文白巡撫伊爾圖言于都
統賴塔及固山貝子章泰等曰現糧可支三日如
三日後米芻不繼請正繼文軍法乃急遣負費銀
分市鄰邑米三日米芻飛至後巡撫伊爾圖卒遺疏
薦遂撫滇賊平後招徠流民以漸復業陞雲貴總
督忠政
尤多
范承勳奉天正黃旗人康熙二十五年任
雲貴總督滇經亂後庶事草創承

勲至整飭營伍盜息民安即捐俸修建學宮置禮樂器聘名士纂修通志所規畫動中機宜在任六

載威惠
大行 許弘勲 遼陽人康熙二十五年任按察使持法剛正無所撓二十七年楚北

兵譁滇奸人張麻子等思乘機為變期以三鼓發弘勲偵得其謀亟白督撫戒煎樓鼓徹夜無三撓

密捕亂首十數人無得脫者比明已斬首懸轅門兵民帖然人服其智 石文晟 奉天

旗人康熙三十三年巡撫雲南謫達多才畧為政務舉大綱先是雲南屯賦仍前明舊額科重軍民

病之文晟疏請減十之六又請增廣舉子鄉試解額以振起人文士民無不感戴 劉蔭樞

韓城人康熙四十二年任按察使論因平恕晉本省布政使值歲旱減價糶粟民不苦饑濟治六河

疏海口大得 魏肅國 昆明人從定西藏勦魯魁平淮溉之利 法屢歷任副將雍正八年烏

蒙祿萬福叛起援東川為祿昂明刺傷左股馳
保東城旋以創劇卒事聞賜祭蔭一子楊

名時

城江蘇人任雲南巡撫會征西藏大師駐省

凡軍民疾苦大者奏請小者更易科條事無遺
細思信決於蠻孽乾隆元年以禮部尚書卒贈

宮傳謚

魏方泰

江西人任學政杜頂替嚴冒籍革
陋規所拔多孤寒勵以實踐乾隆

八年

徐嘉賓

奉天人任按察使雲寬懲惡宵小絕
迹陞滇藩定義學永制添書院膏火

興水利極流移全活甚
衆乾隆十一年崇祀

鄂爾泰

滿洲鑲藍旗人康熙
乙卯舉人雍正

間遷雲南巡撫尋晉雲貴總督兼轄廣西經理三
省苗疆改土歸流區處盡善功績最著所在皆多

惠政吏民思之晉大學
士乾隆十年卒配享

太

廟入祀賢

良祠

欽定大清一統志卷三百六十八


雲

南

府

圖

雲南府圖



雲南府表

兩漢	雲南府	昆明縣	明建伶縣	穀昌縣
三國漢	益州郡 建興三年 改益州郡 為建寧郡 屬益州牧	滇池縣地	建伶縣	穀昌縣
晉	晉寧郡 太安二年 分建寧以 西七縣置 益州郡永 嘉二年更 名晉寧屬 寧州刺史		建伶縣	穀昌縣
宋	晉寧郡		建伶縣	穀昌縣
齊	晉寧郡		建伶縣	穀昌縣
梁	初置南寧 州尋廢			
隋	初置昆州 尋廢			
唐	昆州 武德元年 置屬戎州 都督府後 蒙氏置 開府	益寧縣 州治		
宋	段氏善闡 牧		段氏據	
元	中慶路 憲宗五年 立都開萬 戶至元七 年改為路 十三年改 新開為中 慶雲南行 省治	昆明縣 憲宗四年 立昆明千 戶至元十 三年改置 善州及昆 明縣二十 一年州廢 為路治 初置官渡 縣尋省入 昆明	昆明縣	穀昌縣
明	雲南府	昆明縣	昆明縣	

富民縣	宜良縣	嵩明州
秦城縣 屬益州郡	滇池縣地	益州郡地 白蠻名爲 嵩明
秦城縣		
秦城縣 屬晉寧郡		
秦城縣		
秦城縣		
秦城縣 武德初復 置屬昆州 天寶以後 沒於蠻	昆州地蠻 酋羅氏築 城號羅夏 龍	蒙氏立嵩 頭部
段氏據		段氏據
富民縣 至元四年 立黎漢千 戶十二年 改爲縣	宜良縣 憲宗六年 立大池千 戶至元十 三年升宜 良州領大 池等縣二 十一年仍 罷爲縣	嵩明州 初立嵩明 萬戶至元 十二年改 長州十五 年升嵩明 府屬中慶
富民縣	宜良縣	嵩明州 屬雲南府

縣次羅	州寧安	縣貢呈
益州郡地	連然縣 屬益州郡	滇池縣地
	連然縣	
	連然縣 屬晉寧郡	
	連然縣	
	連然縣	
	昆州地	
烏蠻羅部 所居	安寧縣 武德初置 屬昆州後 為烏白蠻 遷居	
	東氏置江 縣廢 元初	
羅次縣 至元十二年 置羅次 年改屬雲 州屬中慶 路二十四	安寧州 至元三年 立安寧千 戶十二年 改州	呈貢縣 憲宗六年 立千戶至 元十二年 為縣屬雲 寧州
羅次縣 弘治十三 年改屬雲 南府	安寧州 屬雲南府	呈貢縣 屬晉寧州
		歸化縣 至元十二 年置縣屬 晉寧州 歸化縣 屬晉寧州

易	州陽昆		縣豐祿	
益州郡地	益州郡地	益州郡地		
	晉寧郡地			
	昆州地			
據大理高氏	段氏巨橋			
易門縣	至元十三 年置縣屬 昆陽州至 西縣尋省 入州	昆陽州	祿豐縣	年改為縣 二十七年 屬安寧州
易門縣	三泊縣 三泊縣 屬昆陽州	昆陽州	祿豐縣	屬安寧州

縣門

至元四年
立漢門子
戶十二年
改為縣屬
昆陽州

欽定四庫全書

欽定大清一統志卷三百六十九

雲南府

雲南省治東西距三百七十里南北距二百九十八里東至澂江府路南州界一百二十

五里西至楚雄府廣通縣界二百四十五里南至澂江府新興州界一百五十五里北至曲靖府尋甸州界一百四十三里東南至澂江府河陽縣界八十四里西南至楚雄府南安州界四百二十里東北至尋甸州界二百三十里西北至武定州界一百一十里自府治至京師八千二百里

分野天文東井輿鬼分野鶉首之次

建置沿革禹貢梁州荒裔戰國時莊蹻王滇為滇國

漢元封二年開置益州郡治滇池縣三國漢建興

三年改為建寧郡晉太安二年復置益州郡

晉書地理

志太安二年惠帝分建寧以西北縣別立為益州郡

永嘉二年改為晉寧郡

是時郡為李雄所據已而復歸於晉

宋齊因之

按宋書南齊書晉寧郡並治建伶縣華陽

國志治滇池縣

梁初置南寧州後入於爨蠻隋初立昆州

尋廢唐武德元年復置昆州貞觀六年屬戎州都

督府天寶末為南詔蒙氏所據置鄯闡府

滇記蒙氏名都

曰益咩別都曰鄯闡府志南詔尋閭勸嘗改鄯闡曰東京隆舜時又改東京曰上都

歷五代

及宋為大理國段氏地

按段氏時以高智昇領鄯闡收遂世有其地

元

憲宗五年置鄯闡萬戶府至元七年改為路十三年改鄯闡為中慶雲南行中書省治焉明洪武十五年改曰雲南府為雲南布政使司治

本朝因之為雲南省治領州四縣七

昆明縣

附郭東西距一百里南北距八十里東至嵩明州界六十里西至安寧州界四十里

南至呈貢縣界三十里西北至嵩明州界五十里東南至宜良縣界七十里西南至昆陽州界七十里東北至嵩明州界五十里西北至富民縣界四十里漢為建伶穀昌二縣地屬益州郡後漢因之晉

欽定四庫全書

欽定大清一統志
卷三百六十九

三

為晉寧郡治宋齊因之梁後沒於蠻隋立昆州唐
置安寧縣為昆州治天寶中沒於南詔五代石晉
後又為段氏所據元憲宗四年立昆明千戶至元
十二年置善州並置昆明縣尋廢州以縣為中慶
路治明為雲南府
富民縣 在府城西北七十里東
治 本朝因之 西距六十里南北距七

十里東至嵩明州界三十里西至羅次縣界三十
里南至昆明縣界三十里北至武定州界四十里
東南至昆明縣界五十里西南至安寧州界三十
五里東北至曲靖府尋甸州界四十里西北至羅
次縣界三十里漢置秦臧縣屬益州郡後漢因之
晉屬晉寧郡宋齊因之梁後沒於蠻唐復置秦臧
縣屬昆州天寶後沒於蠻號黎濃甸元至元四年
立黎濃千戶十二年改置富民縣明屬雲南府
本朝
因之 宜良縣 在府城東一百二十里東西距六十
里南北距六十里東至澂江路路南

州界二十里西至呈貢縣界四十里南至澂江府
河陽縣界三十里北至嵩明州界三十里東南至
路南州治三十里西南至河陽縣界三十里東北
至曲靖府陸涼州界三十里西北至昆明縣界五
十里漢滇池縣地唐為昆州地後蠻酋羅氏築城
於此號羅袁龍元憲宗六年立太池千戶至元十
三年升宜良州治太池縣二十一年罷州為縣省
太池入焉屬中慶路明屬雲南府本朝因之

嵩明州

在府城東北一百三十里東西距一百二
十里南北距七十五里東至曲靖府尋甸

州界五十里西至昆明縣界七十里南至昆明縣
界六十里北至尋甸州界十五里東南至宜良縣
界三十里西南至昆明縣界七十五里東北至東川
府界二百里西北至富民縣界六十里漢益州郡
地後為蠻所據名其地曰嵩明蒙氏改為嵩盟部
元憲宗六年立嵩明萬戶府至元十二年改為長

州十五年升為嵩明府二十二年復改為嵩
明州屬中慶路明屬雲南府 本朝因之 晉寧

州在府城南九十里東西距六十五里南北距六
十里東至澂江府河陽縣界三十五里西至昆

陽州界三十里南至河陽縣界十里北至呈貢縣
界五十里東南至澂江府治一百里西南至澂江

府江川縣界五十里東北至呈貢縣界八里西北
至昆明縣界八十里漢置滇池縣為益州郡治後

漢因之晉屬晉寧郡梁後沒於蠻隋開皇中置昆
州尋廢唐武德初復置晉寧縣屬昆州天寶後入

於蒙氏為陽城堡部段氏因之元憲宗七年立陽
城堡萬戶至元十二年改為晉寧州領歸化呈貢

二縣明因之屬雲 呈貢縣 在府城南四十里東西
南府 本朝因之 距六十里南北距六十

里東至宜良縣界五十里西至昆明縣界十里南
至晉寧州界五十里北至昆明縣界十里東南至

潞江府河陽縣界四十里西南至晉寧州界五十里東北至昆明縣界四十里西北至昆明縣界四十里漢滇池縣地有呈貢故城世為夢莫強宗部蠻所居元憲宗六年立呈貢千戶至元十三年置呈貢縣屬晉寧州明屬雲南府本安寧州在府城西

朝因之康熙八年裁歸化縣入焉

安寧州

在府城西

七十里東西距八十里南北距七十五里東至昆明縣界二十里西至祿豐縣界六十里南至昆明州界十五里北至羅次縣界六十里東南至昆明州界二十里西南至易門縣界九十里東北至富民縣界六十里西北至羅次縣界七十里漢置連然縣屬益州郡後漢因之晉屬晉寧郡宋齊因之梁後沒於蠻隋為昆池地唐武德初改置安寧縣仍屬昆州後為烏白蠻遷居元憲宗七年隸陽城堡萬戶府至元三年立安寧千戶十二年改為安寧州領羅次祿豐二縣明屬雲南府本朝因之

雍正三年以原裁入羅次縣在府城西北一百三
昆陽之三泊縣入焉

南北距九十里東至富民縣界三十里西至祿豐

縣界三十里南至安寧州界六十里北至武定州

界三十里東南至富民縣界三十里西南至祿豐

縣界一百二十里東北至富民縣界二十一里西

北至武定州界三十五里本漢益州郡地唐時為

烏蠻羅部所居南詔蒙氏為扶邪縣宋時大理高

量成令高連慶治其地元至元十三年置羅次州

隸中慶路二十四年改為縣二十七年屬安寧州

明初因之弘治十二年改祿豐縣在府城西北二

屬雲南府本朝因之百十里東西距

六十五里南北距一百五十五里東至羅次縣界

三十里西至楚雄府廣通縣界三十五里南至易

門縣界一百二十里北至廣通縣界三十五里東

南至安寧州界九十里西南至楚雄府南安州界

七十五里東北至武定州界四十里西北至廣通縣界二十五里漢益州郡地唐安寧縣地後為烏

雞蠻所居宋時大理高智昇令子儀勝治其地元初隸安寧千戶至元十三年始置祿豐縣屬安寧

州明屬雲南府

本朝因之

昆陽州

在府城南一百二十里東西距一百十里南北距七

十里東至晉寧州界二十里西至易門縣界九十里南至澂江府新興州界三十里北至昆明縣界

四十里東南至澂江府江川縣界五十里西南至楚雄府南安州界三百二里東北至昆明縣界五

十里西北至安寧州界八十里本漢益州郡地晉屬建寧郡隋唐為昆州地天寶後為南詔所據曲

縛蠻居之段氏時隸贛闡元憲宗立巨橋萬戶至元十三年改為昆陽州屬中慶路明屬雲南府

本朝因之 易門縣

在府城西南二百五十里東西距一百三十里南北距九十里東至昆陽

州界三十里西至楚雄府南安州界一百里南至
臨安府晉莪縣界六十里北至祿豐縣界三十里
東南至昆陽州界三十五里西南至晉莪縣界六
十里東北至安寧州界三十五里西北至南安州
界一百里漢益州郡地後為烏蠻所居宋時段氏
使高福世守其地元至元四年立洩門千戶所隸
巨橋萬戶十二年改為易門縣隸
昆陽州明屬雲南府 本朝因之

形勢西南重鎮會要之地

明統志

控馭戎蠻藩屏黔蜀

山川朗秀屹為要防

滇志

左環金馬右擁碧雞列昆

海以為池枕羅峯而帶郭

通志

東騎晉寧西控五甸

扼滇池之津要處螳川之上游

府志

風俗鹽池田魚之饒金銀畜產之富

晉常璩南中志

民氣和

柔天時無劇寒甚暑

國說

山箐所居土人種類不一

守信約敦朴素鄰保相資

通志

民遵禮教畏法度士

大夫多材能尚節義彬彬文獻與中州埒

府志

城池雲南府城

周九里門六環城有壕可通舟楫城外設重關即唐時蒙氏拓東城故趾

明洪武十五年甃輒

本朝康熙

富民縣城

周二里門

二十年重修乾隆十一年又修

三環城有壕舊在天馬山之陽明崇禎十三年移今所本朝康熙十年三十一一年雍正八年累修

乾隆二十年又修

宜良縣城

周四里門四明洪武二十四年以宜良守禦所城改建

本朝康熙五十年雍正九年
累修乾隆二十六年又修
嵩明州城 周三里門
四本名汝

札卧城烏蠻車氏所築後為
後圯明宏治九年始築土城
隆慶二年易以甃

本朝雍正七年重
修乾隆二年又修
晉寧州城 周三里門四隋刺史
梁毘築後圯明成化

二十二年重築萬厯三年易以甃
本朝康熙
呈貢
熙六年三十年重修乾隆二十六年又修

縣城 周二里門四明洪武十六年土築
本朝乾隆二十六年又修
安寧州城

周五里三十八步門四北倚螳川其三面俱無壕
明洪武中築 本朝康熙四十一年雍正九年屢

修乾隆二十年
羅次縣城 周二里門四明天啟中築
六年又修 本朝康熙二十一年雍正

正六年
屢修 祿豐縣城 周三里門四西倚星宿河其三
西俱無壕元至正十三年築土

御製

城明萬歷四十年易以甃
本朝康熙九年五十一
年屢修
本
昆陽州城
周二里

正德四年始築土城
崇禎七年遷築甃城於長松
山尋還舊治
本朝乾隆二十六年易建甃城

易門縣城
周二里門四因河水為池
明洪武二十四年築
本朝康熙七年重修乾隆二

十一年
又修

學校雲南府學

在府治五華山右元至
中建明洪武初因舊址建
府學崇禎末遷於長

春觀
本朝康熙二十九年復建於五華山右
三十四年建碑亭刻

先師及四配贊雍正十二年重修易疏瑤瓦入學額數

二十
名
昆明縣學
在府學右
本朝康熙二十九年
改建乾隆二十五年修入學額數

欽定四庫全書

欽定大清一統志

六

二十 富民縣學

在縣卧龍山麓舊附羅次縣學內
本朝康熙二十一年始以巡按

署改建雍正十一年重修
入學額數十二名

宜良縣學

在縣治南雉山
舊在縣治西明

天啟四年徙建
雍正十一年重修
入學額數三十八名

嵩明州學

在州治北黃龍山左舊在州治西元至正八年建
明嘉靖二十八年遷於黃龍山右
本朝康熙九

年重修雍正十一年徙建
今所入學額數十五名

晉寧州學

在州治南舊
在州治北明

洪武十六年建正統元年徙建今所
本朝康熙
四十一年五十二年雍正十二年屢修入學額數

二十 呈貢縣學

在縣治東北明宏治七年建
本朝康熙二年遷今所四十三年重

建入學額
數十五名 安寧州學

在州治北元大德中建
本朝康熙八年雍正五年重修

入學額數
二十名

羅次縣學

在縣治東明萬歷二十一年
建於縣治西 本朝康熙三

十二年徙建今所
入學額數十二名

祿豐縣學

在縣西郭外西山麓
舊附安寧州學明隆

慶元年建縣治北
雍正十一年修乾隆十二年又修

本朝康熙十一年徙建今所
入學額數十二

名 昆陽州學

在州治南明永樂元年建於月山左
萬歷中遷天啟六年又遷鳳儀山左

本朝康熙元年復
舊入學額數十五名

易門縣學

在縣治東明萬歷
中建後改遷城南

尋復還舊所
乾隆二十一年又修

本朝康熙三十四年重修
入學額數十二名

昆明書

院

在昆明縣南門外 本朝康熙
二十四年總督蔡毓榮建

聖祖仁皇帝賜

御書育才二字匾額又五華書院舊在昆明縣治西北明

嘉靖中建 本朝雍正九年總督鄂爾泰改建於城內五華山麓宜良縣有雉山書院在縣城內

本朝康熙中建嵩明州有鹿元書院龍泉書院俱本朝康熙中建安寧州有泊陽書院在州西南

舊三泊縣城內祿豐縣有桂香書院雲龍書院俱在縣城內易門縣有文昌書院在易門舊縣聚奎

書院在縣城南俱 本朝康熙中建各州縣並設有義學社學

戶口 原額軍民人丁共五十四萬九千五百五十九又滋生人丁共一萬八千八百三十六

田賦 民屯田地共一萬二百四十五頃五十七畝五分四釐共額徵地丁銀三萬二千二百一十五

兩一分六釐夏稅秋糧三萬八千二百七十一石六斗六升八合三勺

山川五華山 在昆明縣城內舊志由螺峯疊巘而下當省會之中領袖羣山土色亦可煨金

本朝康熙二十六年建拜雲亭於其上祖遍山在五華山左並峙螺

山在昆明縣城內東北隅色深碧旋如螺髻故名府志元時山在北郭外一里許明初擴城始在

城內其巖曰盤坤曰補陀羅曲磴攀躋而上有石兀然突出曰明月石山麓有二洞曰幽谷曰潮音

深邃莫測又潮音洞口有盤瓠廟基扶蔥山在昆明縣東二十里金馬山在昆明縣

東二十五里西對碧雞山相距五十餘里其中即滇池也漢書郊祀志宣帝改元神爵或言益州有

金馬碧雞之神可醺祭而致於是遣諫大夫王褒使持節而求之注如淳曰金形似馬碧形似雞後

漢書郡國志越雋郡青蛉縣有禺同山俗謂有金馬碧雞明統志山不甚高綿亘數十里上有長亭

鳴鳳山在昆明縣東距金馬山三里舊名鸚鵡山明巡撫陳用賓易今名上有太和宮諸勝

赤甲壁山

在昆明縣西十里山有白石狀如鼻焉又稱為石鼻山

進耳山

在

明縣西二十里又曰筆架山明統志上有廟漢時有奉使而卒者土人祀之

聚仙山

在

明縣西二十里山北有神魔洞舊名西華石乳嵌結形若芙蓉

寶珠山

在昆明縣西二十里

上有瀑布層巖藏沫如珠故名

三華山

在昆明縣西去聚仙山五里上有玉峯泉

玉案

山

在昆明縣西二十五里一名列和蒙山上有石枰又名棋盤山山北平坡中有三泉如盆池郡

人春日遊賞於此

萬德山

在昆明縣南十里

商山

在昆明縣北二十里一作陟山

俗謂蛇山其下舊多桃花林滇南紀遊蛇山直出雲表如立屏翰府志陟山在螺山之北連峯疊巘多藥草紫芝黃獨之屬下有冷泉浴之可去風疾縣志會城之主山也北為虹山

文殊山

在昆明縣北二十五里一
名蒙滯雄山上有文殊泉
太華山 在昆明縣西南
環擁蒼秀其麓

為太平山其左為
華亭山皆稱名勝
羅漢山 在太華山之右卓立海
岸其南峭壁千仞常繞

白雲其北迤邐幽奧相傳為梁王避暑宮山有金
蟬闕碑明楊慎書王褒移金馬碧雞神文於其上

大鼓浪山 在昆明縣西南相近又有小鼓浪
山皆漁者居之南五里為觀音山

碧雞

山 在昆明縣西南三十里峯巒秀拔為諸山最
東瞰滇池華陽國志碧雞光景人多見之

高

嶢山 在昆明縣西南碧雞山右下有明楊慎別業
府志高嶢山與碧雞相望以山形似秦嶢關

故
龍泉山 在昆明縣東北二十里又
名太極山上有黑龍潭

松華山 在龍
東五里聯絡十二

峯當三川水口
顛臥山 在富民縣西十餘里一
名滇和山明統志縣有

三卧謂顛卧嚕卧蒙課卧也卧譯為和縣志嚕卧
今名嚕和山蒙課卧今名無怯和山俱在縣南

洞口山

在富民縣東南三里山下有洞水
從中出流經縣南西北入安寧河

靈芝山

在富民縣西南二里舊
名赤城化山常產靈芝

九峰山

在富民縣西北二
十里峯巒有九故

名九峯又北
有黃弄山

客爭容山

在宜良縣東十里為縣
鎮山今名犁摩攪山

觀

音山

在宜良縣西十里山頂有泉
今名水井山其南有巖泉山

竿箐山

在宜良
縣西五

十里蓬萊山

在宜良縣北八
里一名曬袍山

北樂山

在宜良縣北三
十里一名播雄

山又名蛇山

在嵩明州城內山小而奇形如
盤蛇一名黃龍山州主山也

秀嵩

山

在嵩明州東三十里又南一峯曰小秀嵩舊志
山頂如偃月環州之山皆出其下府志山聳出

霄漢俗呼搖鈴山蜀漢時孟獲立
寨於此明初尚書吳雲死節處
勅霄山在嵩明州東四

十里世傳蒙世隆征烏蒙得四女歸至此山四女
望鄉嘆息忽山巔霧起結為三峯蠻謂三為勅峯

為霄州志其山
獨峻又名峻葱
東葛勒山在嵩明州西北高三十里舊

為南中
抹搥山在嵩明州西五十里一名登山
名山在嵩明州中野花布滿山谷土人名

為聚八仙花來
遊者謂之登山
竹雄山在嵩明州南三十里橫亘如屏
彌雄山在嵩

明州北三十里蒼崖層疊土壤
肥饒蔬果繁夥今名彌秀山
楊林山在嵩明州東南二十

五里舊楊林縣東山
麓有石狀如羊立
烏納山在嵩明州東南舊楊林縣西南十里一名

岷岫山山亘百餘里西連呈貢東接宜良頂有石
如馬首遠近禱祀以羶禳褭之土人呼馬首為烏

納故羅錦山

在嵩明州東北十五里府志山巖石大彩若羅錦然有羅錦泉曰禾賴其

灌漑梅溪山

在晉寧州東三里山有龍馬跡相傳即晉太元中刺史費統見龍馬之地也

萬松山

在晉寧州東五里山多松形如盤龍一名盤龍山

海寶山

在晉寧州西三

里下有一竅滇池之水由此洩入澱江府之西浦龍泉

金砂山

在晉寧州西五里山產砂

石其色如金

五龍山

在晉寧州南五里上有光長山在龍泉五一名小石屏山

寧州南十里北瞰滇池上有二奇石腹中空洞扣之作鐘鼓聲

象兔山

在呈貢縣南十五里

舊有蠻寨三台山

在呈貢縣治北三台相屬又名萬福山

羅藏山

在呈貢縣東南

四十里舊歸化縣東十里山最高聳

太極山

在安寧州城內石立如屏石上文類古琴斷漆

又有雙株梅樹倚石而生洛陽山在安寧州東十里下有泉羅

青山在安寧州西二里有泉甚甘岱晟山在安寧州北

產仙女稻一稱筆蔥蒙卧山在安寧州北廢三泊

王仁求碑滑光嵒山在安寧州廢三泊縣西南三十里

西北十五里呀嘜山在安寧州西北五里州之主

有雲龍山葱山在安寧州西北二十里土人名為龍玉龍山

在羅次縣東三里中有碧石崛峻山在羅次縣東

寶湧泉如玉龍吐水因名金鳳山在羅次縣西五里九戌山羅

次縣舊治南五里又名九峯下湧九澗今名九湧山

苴麼薊裒山

在羅次縣舊治東北

四十里綿亘縣西兩峯相望苴麼薊裒語譯云子望母也

三次和山

在祿豐縣西五

里列如翠屏明統志蠻名蒙荅縛山

南平山

在祿豐縣西十五里三面陡絕南面稍平故名

姚陵山

在祿豐縣東北三十里一峯聳拔山頂有泉及古寨蠻語呼城曰籠舊亦名驥籠山

月山

在昆陽州西二里

長松山

在昆陽州西五里其上多松

珊蒙果山

在昆陽州西十里三峯秀列

望州山

在昆陽州北十里山勢昂聳

仙卧山

在昆

陽州北二十里滇池側一名白鳥山

寶應山

在昆陽州東南十里

白鶴山

在昆陽州

西北七十里相傳有白鶴巢其上故名

黎崖山

在易門縣南五十里一名馬頭山又名黎

巖下有平谷宜畜牧明統志作蒙低黎巖山縣志
異馬多產於此蓋稱西馬云明萬厯初巡撫鄒應

龍斬馬誓蠻於山
上又名斬馬山
智勇山 在易門縣治北土人名
娘當山滇志舊名戈晟

智桶
禄益山 在易門縣西南百里明統志名益禄
惡危山上有閑依土城昔誓闡邊戍

之
橫山水洞 在昆明縣西三十里山橫如牆鑿山
坳為東西洞自西跨東五十有八丈

得泉二十二道滇記橫山水洞明隆慶六年
布政使陳善所開引白崖水溉田四萬餘畝諸葛

洞 在富民縣南小石嶺府志諸葛亮
南征時嘗置營於此亦名諸葛營**龍口洞** 在易
門縣

西五十里明
楊慎有詩**滇池** 在昆明縣南呈貢縣西晉寧州
西北昆陽州北一名滇南澤亦

曰昆明池史記西南夷傳楚威王時將軍莊蹻至
滇池地方三百里旁平地肥饒數千里漢書地理

志滇池縣大澤在西滇池澤在西北後漢書西南夷傳此郡有池周回二百餘里水源深廣而末更淺狹有似倒流故謂之滇池三國蜀志諸葛亮征南中至滇池水經注池中有神馬家馬交之則生駿駒九域志滇池周廣五百里盤龍江黃龍溪諸水之所匯池中有二島曰大小卧納下委為螳螂川元史地理志昆明池五百餘里夏潦必冒城郭張立道為大理等處勸農使求泉源所自出洩其水得地萬餘頃皆為良田滇紀滇池受邵甸牧羊山諸泉及黑白龍潭海源洞諸水會為巨浸而洩於稍西一小河又折而北不見其去故又為滇海通志去府城西南八十里曰海口與昆陽州接界即螳螂川之口也滇池潏迴至此惟此一河洩之若咽喉然沿海財賦歲以萬計利害由其通塞府志明初傅友德沐英駐雲南皆事屯田資滇池灌溉之利宏治十四年撫臣陳金浚治之自此歲一

疏濬在田賦正供謂之海夫 本朝雍正九年總督鄂爾泰題明於鹽餘項下酌留銀兩以作歲修

之費不用則存貯如屆大修確估不敷動支司庫銅息與盤龍江等六河俱責成水利同知經理

盤龍江

在昆明縣東五里滇池之上源也一名滇池河源自嵩明州故邵甸縣之東山西山

凡九十九泉合流經大城江 在宜良縣東源自潞府城東又南入滇池 江舊楊宗縣北流入

縣界經縣西北東入大池江 按輿圖有楊宗海在楊宗廢縣北東北流繞宜良縣西北經湯池塘

南而東入大池江 在宜良縣東五里一名盤江達河即此水 一名大河從曲靖府陸涼州

西流入境經縣東南流六十里出縣界入潞江府界謂之鐵池河通志有大赤江在宜良縣北五里

源出楊林花魚潭東入大池江 按輿圖即八達河其下流為南盤江 龍巨江 在嵩明州

南一名龍濟溪源出曲靖府尋甸州西南果馬山
南流入境至州東南入嘉利澤又東經河北東

北流入尋
星宿江源出羅次縣北二十五里之百
甸州界花山與和曲分界處南流經祿

豐縣北與金水河合曰星宿江又南流經縣西南
至易門縣西北曰九渡河又南流至縣西南與易

江水合曰綠汁江又西南流入元江州新平縣界
又折而西入楚雄府南安州界南入元江州
按

通志祿豐縣城北五里有東河出羅次縣分水嶺
至縣入星宿江亦星宿江之一源而江名不一亦

曰大溪亦曰大河亦曰九渡
易江在易門縣東十
河綠汁江實因地異名耳五里自羅衣島

入綠
綠水河在昆明縣祖遍山之左
汁江流出城東又南入滇池
金陵河在昆

東十里源自楊花壩元賽音鄂德齊沙木思迪音
葉堤分盤龍江水由金山麓流經東鄉灌田堤

上舊植黃花故名今土人呼為金汁河滇說大理

段素時築春登雲津二堤分種黃白花其上有繞

道金稜紫城銀稜之目即指此及銀稜河也

音鄂德齊沙木思迪音舊作賽典赤瞻思丁今改

正銀稜河

在昆明縣西十里引烏龍潭水由高山麓流過沙浪里南舊時堤上多白花俗

呼銀汁河府志明弘治中嘗濬寶象河在昆明縣

金稜銀稜二河亦謂之東西溝

寶象河

在昆明縣南二十里

名勝志源出上板橋分瀉邵甸河在嵩明州西六十

金稜河水至官渡入滇池

邵甸河

在嵩明州西六十

二皆發曲靖府尋甸州梁王山西北一自牧羊村

歷核桃村至高倉一自屈澤屯至高倉二水交流

至迴黎灣松花壩甃石過流入於盤龍江又南匯

為昆明池通志有牧樣水源出嵩明州烏納山之

牧樣澗西南

大堡河

在晉寧州西源出潞江府新

入邵甸河

興州界經州之永興鄉分流

欽定四庫全書

卷三百六十九

入於**洛龍河**

在呈貢縣北十里源從黑白二龍潭流出民資灌溉下流入滇池上有石

室**利資河**

在安寧州舊三泊縣北河流自北而南交滙於縣復流入於滇池州志舊三泊

縣南有望洋鳴蟻利資三河縈抱

金水河

在羅次縣南源

縣治為三泊溪其縣得名以此

青水河

在祿豐縣西南平山

東二十里**螳螂川**

在富民縣東即安寧河滇池之下流也自滇池潑流安寧州境又東

北入縣界又北歷武定州祿勸縣境為普度河入金沙江晉書王遜傳李驤等寇寧州遜使姚崇襲

琛拒之戰於堂狼大破驤等按劉文徵滇志謂螳螂川在縣東安寧河在縣西南者誤

渠濫

川在昆陽州東南五里東北流入滇池隋開皇中史萬歲至渠濫川破蠻落三十餘部即此**龍**

泉水

在富民縣西五里其旁有祠以鎮怪龍

洩札郎水

在富民縣北十里西入大

溪

農納水

在富民縣北五十里源出武定州界西南流入大溪

沙摩溪

在羅次縣

西自富民縣流入縣界南達祿豐縣為大溪

西湖

在昆明縣西南滇池上遊即九域志所云

積陂池也俗呼曰草海子又曰青草湖舊志湖中蒲藻長青川禽翔集多產衣鉢蓮花皆千葉通志

內有近華浦為滇名勝本朝康熙二十九年巡撫王繼文構亭其上曰湧月亭

嘉利澤

在嵩明州東南二十五里衆水交會周百餘里即楊林澤也或謂之楊林海子又謂之羅婆澤通志

流入尋甸州為牛關江下流為車洪江當即牛關江

按輿圖

交七浦

在晉寧州舊歸

化縣東北二十里廣二十餘畝滇池下流

金鯉潭

在呈貢縣東北舊歸化縣南六里州志其

欽定四庫全書

卷三百六十九

地舊為平原恒苦旱明隆慶六年水湧成
九龍池

渾金鯉遊泳於其中遂為一方灌溉之利
在昆明縣城內其地蔬圃居半故又曰菜海子平
為稻田下為蓮池沿五華之右貫城西南匯於盤

龍江達滇池明沐氏有
鴛鴦池

別業在其上曰柳營
在昆明縣東北二十五
流入清水河為內
黑魚池

池入滇水為外池
在昆明縣東北二十五
測中有儵魚人莫敢取旁有龍祠禱雨輒應其
東南有白龍池在城東北十餘里流入銀汁河
瀑

布泉

在昆明縣西三十里寶珠寺後
有龍泉

魚故又名金魚泉一在昆明縣西勒甸村山中水
分青白色上有祠一在昆明縣北商山下湫旁有
祠祠西有亭扁曰第一
對龍泉

泉一在故楊林縣西
在嵩明州西兩泉
相對百餘步合流

入嘉利澤溫泉在安寧州北十里亦名碧玉泉一名湯池滇畧滇溫泉至多而州之碧玉泉為

冠四山壁立中為石坎飛泉注焉白雲時起水底可拾針芥明揚慎云溫泉在安寧州白崖德勝間浪穹宜良鄧州三泊凡數十處而安寧為最清漱見底垢自浮去不積舊有人見其竅出丹砂數粒乃知其下海眼泉在安寧州北十五里明統志水為丹砂一日三潮隨湧隨涸舊志名聖

水泉在溫湯之右一里曹溪寺左又曹溪寺右一里有龍泉噴沫而上瑩澈如明珠石洞泉有二一在昆陽州山有三洞泉出會而為潭中有青白大魚俗呼隨龍魚人不敢捕一在嵩明州

龍淙

在昆明縣西二十里府志舊名白龍泉本朝康熙二十二年總督范承勳易今名有龍

淙石屋聽瀑棲墨雨庵一草亭宛轉溪石香橋顛丈卧石小平峽小龍湫諸勝湯池渠宜在

良縣西南三十五里明洪武中黔國公沐英於雲南廣開屯田湯池舊為溝塍廣不盈尺英令同知

王俊因山障隄鑿石刊木別疏大渠洩於鐵池其袤三十餘里濶丈有二尺深稱之灌溉農田大旱

不竭清水塘在宜良縣東十五里溉尖山一帶民田相近又有潢水塘塘低用水車引之溉

田堰塘在晉寧州界印山左本朝康熙紅蓮沼在熙十一年修築山田資以灌溉

民縣治東南泉常湧出清侯井在昆明縣城內滇荷花爛漫上有神龍祠考大理時高智昇

領善闡牧建宅於五華山闡西井在昆明縣城內下鑿井得泉因號清侯濯絲織錦鮮明

異於他水一名關侯井又東城外鹽井在安寧州有茜紅井其色殷然可以染紅西有大井

石井河中井大界井新井俱產鹽漢書地理志連然有鹽官華陽國志連然縣有鹽井南中所共資

唐書南蠻傳安寧州城有五鹽井人得煮鹽自給
滇程記安寧民食馬蹄鹽鹽產象池井明嘉靖中

復濬新井名曰連然新井楊慎為之記 按

唐書何履光李宓爭安寧皆以鹽井為重

古蹟穀昌故城

在昆明縣北漢縣屬益州郡後漢因之華陽國志漢武帝遣將軍郭昌平

滇中國名縣為郭昌以威蠻人孝章時始改曰穀

昌舊志晉宋齊皆屬晉寧郡後廢 按班志作穀

昌常璩之言恐誤又據明統志有苴蘭城謂即穀

昌城按漢志故苴蘭與穀昌並載亦未必一地也

建伶故城

在府城之西北漢縣屬益州郡後漢因之晉志惠帝太安二年分建寧西七縣

為益州郡永嘉二年更名晉寧治建伶縣宋因之

元嘉十八年晉寧太守爨赤子叛討平之齊志晉

寧郡亦治

秦臧故城

在富民縣水經注臧作藏漢置屬益州郡晉屬晉寧郡宋

齊因之後廢唐復置屬昆州天寶楊林故城在嵩中入於南詔府志故城在府西北

明州

南三十五里元史地理志在州東南治楊林城雜蠻枳氏車氏斗氏廢氏四種所居之地城東門內

有石如羊形故又作羊唐羊林部落即此元憲宗七年立羊林千戶至元十二年改為縣明統志成

化中省縣入州滇池故城在晉寧州東漢書地理志益州郡滇池明統志梁以後縣廢其

故城在州東歸化故城在呈貢縣東南元史地理志歸化縣在晉寧州東北呈貢縣南

西濱滇澤地名大吳龍昔吳氏所居後為夢莫徒蠻所有世隸鄯聞憲宗六年分隸呈貢千戶至元

十二年割大吳龍安江安棚立歸化縣縣志本名安江城元置縣僅有土城明嘉靖中砌以石本

朝康熙七年省入呈貢縣故址猶存安寧故城在今安寧州治南唐書南蠻傳有兩爨大

鬼主崇道者與弟日進日用居安寧城左聞章仇兼瓊開步頭路築安寧城羣蠻震懼共殺築城使者元宗詔蒙歸義討之天寶七載詔特進何履光以兵定南詔境取安寧城及井湏紀天寶九載南詔攻安寧鮮于仲通南討遂解圍去及仲通敗南詔遂取安寧十三載李安進取安寧及井未幾敗元史地理志蒙氏終鄯闡酋孫氏為安寧城主及袁氏高氏互有其地明統志閭羅鳳叛唐以蘇閣阿朶治之滇考高智昇以侄泰運守安寧通志今州城明萬歷四年知州姚繼先改築於舊土城之北

三泊故城 在安寧州南三十里元至元十三年於那龍城立縣本朝康熙八年省

入昆陽雍正三年復以

易門故城 在今易門縣元其地歸安寧遺址尚存

史地理志縣在昆陽州之西治市坪村世為烏蠻所居段氏時高智昇治鄯闡奄有之至元四年立洩門千戶所十

二年改為易門縣明統志舊治在縣南三十里廢昆州在昆明縣西唐志

遂廢武德元年開南中復置在長安西南五千三百七十里北接嵩州領縣四首益寧後州縣俱廢

官渡廢縣

在昆明縣東南元置尋省入昆明縣府志今府南二十里有官渡里

大池

廢縣

在宜良縣東元史地理志憲宗六年立大池千戶隸嵩明萬戶至元十三年升宜良州治

大池縣州罷為縣後廢大池來屬

邵甸廢縣

在嵩明州西十里元史地理志在州西治

白邑村無城郭車蠻斗蠻舊地名東甸蠻以來為邵憲宗七年立邵甸千戶至元十二年改為縣明

統志洪武中省入州

大赤廢縣

在宜良縣西元置縣後為赤水棚巡司移入昆明縣界明

統志元宜良州領大赤縣後并大甫廢縣在晉寧入州府志赤水棚因大赤舊名

十里元至正中
置縣尋省入州
江東廢縣
在安寧州東南舊傳為段氏所置元初縣廢又

北有青龍城亦
昔蠻酋恃險處
河西廢縣
在昆陽州西河鄉元至元中置尋省入州

柘東城
即今昆明縣治元志唐閭羅鳳叛其子鳳伽異增築城曰柘東六世孫晟豐祐改曰

鄯
玉女城
在昆明縣穀昌故城旁舊志玉女城元梁王築
馬舉龍城
在富民縣

明統志烏蠻酋步門步末始築馬舉龍城號黎濃
甸元至元中立黎濃千戶所府志縣舊治在安寧

河南梨花村旁尋徙河北嘉靖中復遷河南土主
村萬厯中復徙河北因水患復遷北山崇禎中始

移今
舊金城
在嵩明州西南元史地理志漢人立長州築金城阿葛二城
集興

籠城
在嵩明州南州志相連有梅堂阿葛籠蒙琮籠白籠諸城周迴相望數十里皆南詔楊祐

所築天女城

在晉寧州西明統志天女城晉李穀之女秀代父領州時所築

古土城

在晉寧州西北明統志隋刺史

伽宗城

在呈貢縣西滇說大

梁毘築有九門十二衛今廢

理時高智昇領土官伽宗城於此因名伽宗城

扶邪城

在羅次縣境縣志南詔有扶邪

都統實錄云南詔於

押赤城

在羅次縣東南舊為烏蠻所都元史烏哩

羅次州置扶邪縣

特哈達傳攻羅部進至押赤城城際滇池三面皆水既險且堅又烏哩特哈達入交趾交趾主內附

於是大饗軍士還軍押赤城中烏羅部城在羅次哩特哈達舊作元良合台今改正羅部城縣南舊

為羅部農落彈所居亦曰羅部府元史烏哩特哈達傳從世祖攻大理分兵取附都鄯闡轉攻烏蠻

之合刺章水城前次羅部府其酋長高昇集諸部兵拒戰大破之於澹河浪山下又地理志羅次縣

治歷磨呂白村本烏蠻羅部後因立州縣志縣舊城在今縣南二十五里舊縣壩烏哩特哈達譯

見驢蹤籠城在祿豐縣東北又縣南有顛哀城皆昔蠻酋恃險處又有祿豐城即今縣

治元史地理志祿豐在安寧州西治白村其地瘠熱非大酋所居惟烏雜蠻居之遷徙不常至元十

二年割安寧千戶之碌琿化泥驢蹤籠三處立祿豐縣因江中有石如甑俗名碌琿譯謂碌為石琿

為甑訛巨橋城在今昆明陽州境元史地理志昆明為今名巨橋城州在滇池南焚盧雜蠻所居有城

曰巨橋城今為州治府志閤羅鳳叛唐令曲躡蠻居之段氏時隸鄯闡元憲宗升羅富等十二城立

巨橋萬戶後升為州州志明正德四年始移築土城於月山崇禎七年又移於長松山麓以磚旋為

流寇屠平華納城在昆明陽州西北葱蒙卧山之東仍還舊治城外有王仁求碑題曰大周故

河東刺史王府君碑明統志州即古河東東雲南

州或曰唐時南龍州置於此皆未見所據

廢衛中衛在昆明縣城北隅世恩坊東左衛在五

華山後右衛在舊學西前衛在府治西南後

衛在府治東南俱明洪武十五年建本朝康熙

九年俱省二十二年復設左右二衛二十六年復

省又廣南衛明洪武二十九年建於廣南

府永樂元年遷建於府治東本朝省宜良廢

所在宜良縣西明洪武二十四年建漢學基在昆

城內南中志漢元封元年南畧昆明二年使韓

悅開益州授經教學故雲南有古漢學基焉舊

漢營

在昆明縣東一里府志唐時鳳伽異築拓東

城得諸葛碑其文云碑即仆蠻為漢奴今碑

亦廢蠻王寨在昆明縣東六里地忽納寨在晉寧州

名六廠遺址尚存西舊志明

洪武十四年傅友德等入雲南元梁王博
敬思堂

在昆明縣城內明洪武二十五年西平侯沐春
嗣封因名其燕居之堂曰敬思程本立為之記

名堂

在昆明縣太華山舊藏明西平侯沐英遺文因以名堂

宸章閣

在府學內元建

以藏重書名御書閣後改曰宸章明沐晟重修

盟蠻臺

在嵩明州治南元史地理志嵩明州

昔漢人居之後烏白蠻強盛漢人徙去盟誓於此因號嵩盟今州南有土臺會盟處也州志漢諸葛

亮南征至此與蠻盟所築

高智昇宅

在昆明縣五華山下智昇避南詔相位領鄯闡牧鑿

井得泉以居

南樓

在昆明縣城內南門明西平侯沐英駐節於此題曰南樓望遠劉有年作

記遥岑樓

在昆明縣城內北門一曰眺京樓

棲鳳樓

在昆明縣城內明黔國公

沐崑建亭於中聚遠樓在昆明縣五華山寺內日本僧曇

然堂堂後有真意亭縹緲飛樓在昆明縣太華山

為滇人遊燕之所縹緲飛樓在昆明縣太華山

碧玉樓在安寧州水雲鄉一名西湖明黔國公別業

山茶樹四面簇之故名又海莊在昆明縣高峴山

居於此又有碧峴精舍亦在高峴山又停舟烟

舍在舊官渡縣楊慎遊憩之所今遺址尚存

關隘金馬關在昆明縣金馬山麓舊有關城高峴關

在昆明縣高峴山下有高峴渡明楊慎云滇海

西岸舍舟登陸俗亦曰高橋為津關總要處碧

雞關在昆明縣碧雞山北金碧兩山如免兒關在

局一線通道為迤西諸郡門戶

明州西南四十里明洪武中置巡司本朝康熙五年裁**太平關**在呈貢縣南

臨澧**煉象關**在羅次縣北二十里一作棟橡雄峯深澗界安寧祿豐之間舊有巡司二

流官一土官一明崇禎末建石城扼守本朝康熙五年裁流官巡司滇記關北三十五里為矣者

村東十五里**老鴉關**在祿豐縣東四十里舊有巡司今廢**南平關**在

豐縣西南平山**蘭谷關**在祿豐縣西三十五里與上有土巡司楚雄府接界兩山夾水鳥

道羊腸自縣至楚雄必由之道又有六里**呈貢堡**菁溪谷蒙籠林木茂密與蘭谷並稱深險

在呈貢縣西北為**安寧堡**在安寧州西又州西八土蠻分地置守處十里有祿脹堡明洪武

中置巡司一名祿嶧食釜鹽產**祿豐堡**在祿豐里井中本朝康熙七年裁**鐵**縣西

冶所

在昆陽州南二十里地產鐵亦為戍守處

板橋驛

在昆明縣東四十里明洪武十

四年沐英等征雲南師至板橋是也本朝康熙二十四年設驛丞乾隆二十一年裁移縣丞分駐

於滇陽驛

在昆明縣東南明洪武中建楊林驛在此今移南門外舊設驛丞今裁

明州南即楊林所舊城西去府城百里必經之道舊設驛丞今裁

津梁溥潤橋

在昆明縣東門外舊名至正迎仙橋在

明縣東鳴鳳山麓明萬厯中建雲津橋

在昆明縣東二里許跨盤龍江上本名大德橋明洪

武中修建以其當雲翰林橋在昆明縣南霸本南之要津故更今名朝康熙二十二年重

建又有永濟橋在松華山麓鎖盤龍江之上流永定橋在富民縣南數十

上覆瓦屋二十楹旁有窗壁舊稱天通衢橋在宜縣

河橋又有者北橋在縣北四十里

城東門外又通安正橋在宜良縣北一太平橋在

濟橋在縣南

良縣北一里飛虹橋在嵩明州東五里又嘉思利

通陸涼衛

橋在晉寧州通利橋在呈貢縣北二東橋在安寧

門外跨螳螂川一名永昌應橋在安寧州東二十

安橋明宏治中重修

地本朝康熙八年重修天津橋在安寧州東南里許明萬歷

熙二十三年新橋在羅次縣東七里本朝康熙

重修改今名

啟明橋在祿豐縣普濟橋在昆陽州城南門石龍

南十五里

外明萬歷中建

三

欽定大清一統志

三

橋在昆陽州北三十五里為迤易川橋在易門縣西通道本朝康熙七年建東八里又

東七里為易江橋地名江渠

堤堰松花壩

在昆明縣東北元賽音鄂德齊沙木思迪音經畫水利築壩分水一為盤龍江

一為金汁河并修建六河諸壩溉田萬頃一為盤龍江八開曰銅牛開南壩開小壩開四道壩開永昌河開墮苴開王公開小西門開即松花壩南流之派數十里入昆明池一為金汁河七開曰戴金箔開大韓冕開小韓冕開桑園開金稜開燕尾開小壩開即松花壩東流之派一為銀汁河六開曰狻猊開王公偃開白龍潭開小營開文殊寺開王俊開即白龍池所發順流而下者一為海源河四開曰左開右開中開雞舌共開其水由黃龍潭發源與銀汁河同流一為寶象河六開曰石壩開楊

林溝閘響水閘魚龍村閘土橋閘斗舌共閘其水
由府城東南老崔橋發源與海源河同流一為馬
料河四閘曰猪圈壩三閘光村閘新村閘秧草閘
其水由東南白土村發源與寶象河同流本朝
康熙五年撫臣袁懋功疏請歲支鹽課隨時增修
二十二年撫臣王繼文又題請歲築自是水利盡
復賽音鄂德齊沙石壩在富民縣西引安寧河
水思迪音譯見前水分二渠以溉田本
朝順治十大壩在呈貢縣東五里其水來自黑白
八年重修龍潭溉田千頃本朝康熙十一
年重修小祿豐壩在羅次縣南秋冬蓄水春夏溉田
修本朝康熙九年知縣馬光築石
堤舊縣壩在羅次縣南二十五里壩周黑龍潭壩
一里蓄洩以時為阡陌之利
在祿豐縣東初築於潭之下
流後改築上流灌溉甚溥
清水壩在昆陽
唐家

閘

在宜良縣東三里縣東有大閘障九龍池水有小閘障白龍潭水唐家閘總東大小二閘之水

溉田

分水石閘

在晉寧州西北本朝康熙十年修濬溉田甚廣

文公堤

在宜良縣北十里水自湯池流入大赤江明嘉靖中修築水碓七十二所土田賴以灌漑

陵墓隋西巽王墓

在昆明縣東十五里舊有碑題曰昆明隋西巽王之碑唐成都閭邱

均撰文洛陽賈餘絢書碑今無存

唐王仁求墓

在安寧州廢三泊縣南二十里石椿

村其碑文為閭邱均所撰仁求為周河東州刺史均亦仕唐為太常令剝蝕

元梁王博

羅墓

在昆明縣西進耳山博羅舊作李羅今改正

賽音鄂德齊沙木思

迪音墓

在昆明縣為雲南行省平章德政甚多及卒百姓巷哭賜葬鄧闡北門賽音鄂德

齊沙木思迪

音譯見前

明王禕墓

在昆明縣東二里地藏寺

吳雲墓

在嵩州

秀嵩山

李純墓

在昆明縣西玉崇山

施昱墓

在昆明縣西十里朝宗山

嚴

清墓

在昆明縣東北羊腸村後

孫繼魯墓

在昆明縣西北安阜園

朱運昌

墓

在昆明縣東十里麥冲山

傅宗龍墓

在昆明縣西棋盤山

祠廟黑水祠

在昆明縣城內東南隅漢書地理志滇池北有黑水祠府志元時載入祀典一

稱大

金馬神祠

在昆明縣東金馬山麓

碧雞神祠

在昆明縣西碧雞山

麓

鹽泉神祠

在安寧州善政坊

文齊廟

在昆明縣東祀漢益州太守文齊後

漢書西南夷傳光武徵齊為鎮遠將軍道卒詔為起祠堂郡人立廟祀之王子淵祠在

明縣城內祀漢
諫大夫王褒
武侯祠 在昆明縣五華山祀漢
諸葛亮有司以時致祭

烈廟 在晉寧州古土城內祀晉刺史
李穀之女秀唐開元初賜廟額
姚岳廟 在晉

西四十五里即王
遜部將姚崇也
張行省祠 在昆明縣西祀元張
立道元史本傳立道

官雲南最久頗得土人之
心為之立祠於鄯闡城西
咸陽王廟 在府學後祀
元賽音鄂德

齊沙木思迪音封咸陽王
音鄂德齊沙木思迪音譯見前
二忠祠 在昆明縣
東二里明

成化中建專祠祀王禕宏治中奏改二忠增祀吳
雲又有吳尚書祠在嵩明州秀嵩山專祀吳雲

傅公祠 在昆明縣南祀明征南
大將軍潁國公傅友德
黔寧王廟 在昆明

祀明平西侯沐英府志咸陽王黔寧王二廟
本
朝康熙三十年改遷於府東重闢內今名報功祠

定遠王廟

在黔寧王廟東祀明黔國公沐晟

太史祠

在昆明縣西南高曉山祀

明修撰

楊慎

寺觀五華寺

在昆明縣五華山舊名憫忠寺元至元初建

金牛寺

在昆明縣東門

外滇南紀遊東郭有金牛寺寺外八角亭中有銅牛重數萬觔以鎮水怪又有銅馬寺在城之東十里金馬山

東寺

在昆明縣南一名常樂寺有浮屠高一十三丈

西寺

在昆明縣

南一名慧光寺與東寺俱唐貞元初弄棟節度使王嵯顛建寺內亦有白塔與東寺塔對峙本朝

康熙六年重修最稱雄壯

羅漢寺

在昆明縣西碧雞山近太華環滇海又有華亭寺亦在碧

雞山元延祐中建

法界寺

在昆明縣西玉案山山內又有筇竹寺花木清幽又圓照寺寶

曇寺俱在玉案山腹其上別為太華寺在昆明縣西太華山

寶珠寺有瀑布明楊慎有詩
俯瞰滇池其內有碧蓮
方丈及一碧萬頃樓海源寺在昆明縣西三華山內有龍湫禱雨

即應又妙高寺亦在三華
山林壑幽奇棟宇璀璨湧泉寺在昆明縣北商山之麓有瀑布

明巡按劉維創亭靈芝寺在富民縣西元延祐初建闢地得靈芝五本故

名
法明寺在宜良縣東唐時建盤龍寺在晉寧州東五里山秀泉幽萬松蔥鬱元

至正
間建法華寺在安寧州東洛陽山大理段氏建中有遙岑樓登之可覽一州之勝明楊

慎以所得禹碑曹溪寺在安寧州西北慈山南宋時建中有優墨花樹本

墨本銀之巖石
朝康熙中督臣范承勳建護花房於寺
左又有聖水塔一名清禪塔在寺之右
圓通寺在祿

豐縣東迴瀾寺在祿豐縣西北層巖秀麗華嚴寺

元時建在昆陽州西北元宗鏡寺在易門縣北黃龍山宋

時建一名大雲寺名寶鏡寺元易今名

長春觀在昆明縣東元至大初建府志本元梁王

觀太和觀在昆明縣東鳴鳳山中有銅亭楹柱簷瓦皆銅鑄成地甃大理石極瑰麗其右

為環翠宮鳳翥宮在呈貢縣北三台山

名宦漢文齊廣漢人王莽政亂益州郡夷棟蠶等起兵殺畧吏人因以齊為太守造起陂池

開通灌漑墾田二千餘頃率厲兵馬修障塞降集群夷甚得其和及公孫述據益土齊固守拒險述

拘其妻子許以封侯齊竟不降聞光武即位乃間道遣使自聞蜀平徵為鎮遠將軍封成義侯於道

卒詔為起祠堂

張翕

巴郡人明帝永平中為益州太守政化清平得夷人和在

郡十七年卒夷人愛慕如喪父母蘇祈叟二百餘人賁牛羊送喪至翕本縣起墳祭祀詔書嘉美為

立祠堂安帝時以翕有遺愛乃拜其子湍為太守夷人懽迎道路曰郎君儀貌類我府君

王追

蜀郡人肅宗元和中為益州太守政化尤異有神馬四匹出滇池河中甘露降白鳥見始興起學校

漸遷**楊竦**

益州從事卷夷封離等叛竦將兵至標榆先以詔書告示三郡密徵求武士重

其購賞乃進軍與封離等戰大破之獲生口千五百人資財四千餘萬悉以賞軍士封離等惶怖斬

其同謀渠帥詣竦乞降竦厚加慰納因奏長吏姦猾侵犯蠻夷者九十人皆減死州中論功未及上

竦病創卒刺史張喬深痛惜之乃刻石勒銘圖畫其像

馮顯

廣漢人順桓間為益州太守尤

多異 **李顥** 巴郡人靈帝熹平五年諸夷反叛朝議以爲郡在邊外不如棄之顥爲太尉掾

建策討伐乃拜顥並州太守與 **景毅** 廣漢人李顥刺史龐芝發板楯蠻擊破平之卒後夷人復

叛以毅爲太守討定之毅初到郡米斛 **三國漢董**

萬錢漸以仁恩少年間米至數十云 **和** 南郡枝江人爲益州太守清約自處 **晉杜軫** 成都

人武帝時除建寧令導以德政風化大行夷夏悅服秩滿將歸羣蠻爭送賂遺甚多一無所受去如

初 **毛孟** 爲寧州治中刺史李毅卒會西南夷叛孟至詣京師求救不見省孟以死固陳朝廷憐

之乃以王遜爲 **元阿爾噶錫哩** 蒙古人爲晉寧州刺史與孟俱行同知訪民瘼宣教

化境內大治 **阿爾噶錫哩** **馮文舉** 什邡人爲雲南儒學提舉

欽定四庫全書

卷三百六十九

明王珍攻城將臨文舉謂其妻曰吾受國恩有死而已汝光州馬中丞孫女也其往從乎馬曰夫以義死妾生何益焚香北面再拜共縊於學宮

明趙幹

平陽人洪武中任歸化縣歷嵩明州

敦大不苛

張觀

太原人洪武中知嵩明州簡重不擾新附之民樂其撫字

鄧思

謙

桂陽人永樂中知祿豐縣凡公署橋梁驛郵市肆皆思創建在任九年以清廉著

郭鎮

宛平人正統中任新興州值大溪水溢為民患鎮設醴祭河安流如故後知雲南府勤於職守凡倉廩學校皆所修葺卒於官滇民祀於廣備倉旁

丁貴

金壇人正統中知晉寧州勤慎有才學宮

壇廟修葺一新水旱祈禱輒應民懷其德

黃守純

正統中知昆明縣撫字有方以舊縣治狹

陋始遷而大之無絲粟之費及於閭左

邵昱

永寧人景泰中知晉寧州廉介愛民九年任滿

耆老走萬里至京
乞留復任三年

龐詢

成化中知楊林縣愷悌宜
民疏浚河渠至今利賴

李必昂

浦城人宏治中知祿豐縣清介自勵聽斷
如神歲饑請蠲賦以甦民困邑人感之

葉元

廣信人正德中知雲南府廉介有為不避權
貴時廣西寇師宗未靖元以督糧到州設計

擒賊州境以寧卒
於官家無長物

吳便

山陰人正德中知雲南府
精於律法一切疑獄多所

裁決 **陳陽**

新淦人正德中以刑部郎中忤劉瑾左遷
昆陽州同知築土城以資保障政績最著

高公韶

內江人正德中以御史言事謫富民典史
置館延師教民子弟風俗一變尋知大理

府有惠政以遷去兩
地士民咸廟祀之

廖立仁

嘉靖中為昆明縣丞
携一僕自隨由沅江

徒行之任省約安恬後以憂
去邑人裒金送之却不受

吳世珣

保德人嘉靖
中署萬明州

欽定四庫全書

卷三百六十九

剛果嚴明安賊之叛身率鄉民禦之
賊平之後撫瘡痍給牛種民以安輯
龍旌大理府趙州人

為嵩明州學正嘉靖中賊楊禮等攻城旌倡大義
死守州吏目韋宗孝與之同心城陷旌罵賊而死

宗孝闔門遇害事聞旌贈國
子博士宗孝贈本州同知
王新民石阡人隆慶中知易門縣

為政和平民德之去
之曰民建祠以祀
李蓋成都人萬曆初任雲南
推官仁恕明察案無留

牘振興文教
習俗一變
張祥鳶金壇人萬曆初知昆明縣才
畧恢宏設書院以課士多所

造就政事明決
無留牘無冤民
張志阜永寧州人萬曆初知昆明
縣才畧恢宏處省會劇邑

事皆
伍佐新化人萬曆中知安寧州發姦摘
敏辦伏人不敢欺歷官九年清勤著稱
錢貴

峨嵋人萬曆中知富民縣邑人李義為盜所誣獄
成貴廉白其冤義攜金謝貴叱之在任以蔬圃自

給

蘇夢暘

萬厯間知祿豐縣賊鄧舉等從武定寇祿豐夢暘率兵民力戰元旦朝服被執

不屈

陳紀

內江人萬厯中知三泊縣拊循其民而死之教誨之奸弁奪民田按法論罷之邑有

鑛山民

苦逋賦紀白臺使封禁縣以不擾有父子訟者愀然曰是吾失教乃懲其子而勸導其父民

感泣歡

愛如初 **王孫齊**

崇禎中知富民縣舊縣汲水道遠孫齊請遷城今治民皆利賴費

經虞

四川人崇禎末知昆明縣薄征省訟重士勸農勘覆吾必奎叛黨全活數萬

黃卷

鍾祥人崇禎末知呈貢縣與上官不合劾歸甲申

之變望闕泣拜不食死乾隆四十一年予謚節

愍

夏祖訓

嘉興人明末為呈貢知縣後起兵拒李定國兵敗死之乾隆四十一年予謚

節

冷陽春

石阡人明末為晉寧州知州亦起兵拒李定國兵敗而死乾隆四十一年予

愍

謚烈 王信 宜賓人崇禎中知呈貢縣土酋普名聲叛撫鎮令信為監軍敗績罵賊死

本朝高顯宸

潯州人康熙九年知雲南府吳三桂叛抗節不從被杖戍永昌衛仰藥死贈太

僕 卿 劉崑 南昌人雲南府同知不從吳逆之命被杖戍騰越事平以原官起用 張筠碧

武昌人康熙二十九年知雲南府建義學製學宮鐘鼓並嬰堂義塚惠績甚著 張瑾 南城

熙二十九年知昆明縣携一子二僕入署剖斷明決樂易不苛四載卒官民歌思之 劉世燠

新蔡人已未進士康熙四十二年知呈貢縣潔已奉公嘗自稱曰寧黜我官不虐我民

人物漢許淑

益州郡人元和中入中 三國漢爨習 建國受五經歸教授本鄉 享

人昭烈帝時為建伶令坐事免官太守董和以習方州大姓寢而不許丞相亮定南中以習與朱提

孟琰等俱為官屬習官
元楊立義中慶人任騰街府同知事親至

孝親歿員土
王昇中慶人由學正累官曲靖府宣慰使文章政事著聲南土張

景雲字天祥中慶人優於理學能文章授登仕郎明段澍昆明人洪武中進士事親

至孝以御史就養
蘭茂字廷秀楊林人潛心理道淹通經史術數之書靡不

窮究後尚書王驥征麓川茂佐以方畧遂成功
所著有元壺集鑑例折衷經史餘論諸書行世施

均裕安寧人永樂中貢入成均成祖面試奇之授大理評事改交趾御史按部一十七府吏民

懷畏建祠以祀後按南直風裁
楊景安寧州人永樂癸卯舉人

凜不可犯冰蘖之操終始如一
判瀾豐兩州治績優異尋擢化州州同值峒夷亂攻城守將絕城遁兵民不滿三百景激以大義悉

力堅守賊遂引去

李純

昆明人正統間巡按遼東會土木之難純選精騎嚴

兵固守額森入寇純擊之斬獲無算論功陞遼東巡撫後改榆林巡撫卒於官額森舊作也先今

改**張英**

字時俊昆明人事母至孝正統時領鄉薦第一入太學時閩人王振用事祭酒李時

勉論之振矯旨械勉於成均英同石大用詣闕請代遂得原釋名動京師即日乞歸養居鄉以孝義

著聞**楊一清**

字應寧景子成化進士歷官右副都御史督理茶馬鹽政條上事宜多所匡濟

巡撫陝西復修花馬池諸要害尋奉勅總制三邊議事為劉瑾所格罷歸瑾誅起為吏戶兩部尚書

進大學士參預機務因災異自劾言時事失宜朱寧等疾之謝病致仕嘉靖初召還內閣加少師以

議禮不合致仕卒贈太保謚文襄

李宗洵

字希顏昆明人僉有智畧登成化進士累官

御史時馬政多弊宗泗一一肅清之陞江西按察
副使會長河等峒賊攻掠郡邑宗泗出奇設伏屢
以捷聞勞瘁得疾卒於官弟宗儒字希王璽字國
雍成化進士授刑部主事以平允稱王璽用宜
良人幼失父事母孝母卒廬墓三年宏治時任合山教諭唐佐字朝相晉寧州
學聞父喪徒步萬里抵家淚盡嘔血水漿不入口旋卒毛玉字用成昆明人
時歷南京給事中疏劾大學士焦芳劉宇羣盜擾
山東河南王請備留都已而盜果渡江以備嚴不
敢犯嘉靖初為吏科勸帝戒嗜慾杜請託以破僥
倖之門塞蠱惑之隙帝為嘉納時宸濠戚屬連逮
者數百人奉命往訊多所全活尋伏闕爭陳淳字
大理受杖下獄竟卒隆慶時贈光祿少卿陳淳維
素呈貢人宏治中由舉人任太平府通判郡有
疑獄淳為辨之尤多善政去之日民刻像以祀胡

廷祿

左衛人正德中進士官南京戶部郎中與呂柟鄒守益共扶正學未幾歸田同年生吳興

顧應祥撫黔數年欲一見之不能及去任造其廬始出一見其介如此

陳大韶

嵩明州人

隨父忠入京謁選父歿扶櫬歸廬墓虎狼盜賊不為害母歿亦如之正德中旌表

張潔

晉寧

州人性至孝父母歿哀毀骨立里人呼為張孝子

羅江

字孔殷嵩明州人正德中進士為建

昌府推官直身厲操不畏強禦卒官民哀之立祠以祀

李資坤

字伯生昆陽州人正德中

由舉人屢遷銅仁知府所至多異政考天下康吏第一性剛介寡合言動以禮老而彌篤

嚴清

字公直後衛人嘉靖中進士歷工部郎中董作京師外城修九陵吏無所侵牟省費巨萬歷四川右布政使並以清望顯萬歷初擢刑部尚書持正執法不屈權勢神宗深重之進吏部尚書以疾歸復

起兵部不赴
而卒謚恭肅
孫繼魯
字道甫昆明人嘉靖中進士

除弊四事知衛輝淮安二府並有政績累遷右副都御史巡撫山西所至以清節聞會總督翁萬達

議撤山西內邊兵并力守大同繼魯爭之忤旨下獄病死山西民痛惜之穆宗立贈兵部右侍郎謚

清
朱朝冠
字子儀楊林人嘉靖中漢中府通判督兵征何勉屢捷賊內應舉火焚營朝冠

往救
程世勲
後衛人署百戶嘉靖四十五年官兵焚死
程世勲討鳳繼祖世勲護餉至金沙江督偏

師出哨至波羅結堡與賊遇力戰死之
妻蕭氏年十八養姑撫子矢志不渝
施昱
字子

明人嘉靖中進士為貴州僉事瓦橋驛峻嶺夾江渡者危怵昱為巨橋覆以瓦屋行者便之以擒巨

寇李邦珍陞光祿少卿子士翼天
性篤孝親沒廬墓芝草生其旁
唐文炳
祿豐人弟文蔚

父母相繼卒時文炳年十四文蔚年十一兄弟廬墓三年刺血和泥為像祀之如生文蔚事兄如父

宋應時

昆明人父終刺血為像祀之子文學尤孝母歿負土成墳居父母喪相繼廬墓偶野

燒將延向風叩頭而火息後羣

杜維喬

字汝遷昆陽州人居

賊標掠感其孝餽以豚米不納

朱運昌

字際

生九穗瓜結如斗人謂純孝所致

明人萬歷中進士初為大理寺評事出百餘人於獄覆議得允屢遷福建左布政使中貴人銜命督

稅多所阻抑遂上書乞歸即日登舟方抵里神宗特簡巡撫閩中後卒於官

徐朝綱

寧

州人萬歷中為安順府推官視郡事會水西賊攻安順城陷被執不屈闔門遇害贈光祿少卿廕子

入國

劉鼎新

呈貢人萬歷中四川雙流知縣奢賊之變寇攻雙流鼎新伏壯士於內開

門延之鼎新手刃其魁餘皆殲之於狹巷凡三攻皆不克賊引去遂引鄉兵援省城賊咸避之後監兵救蘭州斬巨魁魯

趙日亨

字貞所安寧州人萬

仲賢收降萬餘人

歷中進士時山東歲

饑兵亂日亨奉命撫循請蠲賦赦脅從東方以寧轉川南兵備值奢賊之亂募死士斬叛黨進解省城之圍以功晉

傅宗龍

字仲綸昆明人萬曆中進士由知縣徵授御史天啟

秩尋致仕歸

初應詔募兵月餘得精卒五千安邦彥反自請討賊不果崇禎中歷貴州巡按四川巡撫保定總督俱著勞績入為兵部尚書承楊嗣昌之後以抗直忤旨下獄復起總督陝西率兵擊李自成死之謚

范立朝

字二懷昆明人萬曆舉人屢遷刑部郎中出知平涼府時韓王薨世子幼有庶

子謀立賂以金立朝正色曰嫡庶之禮何可廢也王妃聞之亦以多金求為善計復却之曰此公議

也何以私為後
袁善
字復虛昆明人歷官松潘叅
罷歸行李蕭然

將既罷歸後值東川祿千鍾

為亂糾合烏撒雷益攻嵩明巡撫沈儼炳以使宜
起善於家令督兵馳救大破之尋進副總兵援貴

州時賊猖獗羣苗所在蠶起善緣道勦撫抵貴陽
真默始通論功累加都督同知善勇而好謀撫士

卒有恩為滇
王來儀
字仲威昆明人萬厯中知嘉
中諸將之冠

魚縣廉直不媚上官後流賊

入滇罵賊而死乾隆四
唐俊德
祿豐人萬厯中鳳
十一年予謚節愍

賊猖亂攻掠祿豐

俊德同庠生周之麟百戶陳宰土官李印
力戰被殺因建祠以祀四人賜額曰忠烈
王錫袞

祿豐人天啟進士歷官吏部左侍郎予告
歸里後值沙酋之亂起義討賊被執死之
程坤
昆明

人天啟中四川總兵中軍會西路梗絕
坤率師赴援至畢節城陷被執不屈死
張如良
昆明

州人天啟中歲貢持已清慎流寇之亂良與子景輝景耀及妻媳一門俱殉死趙謨昆明人崇

禎中御史甲申之變被執罵賊而死馬乾昆明人崇禎中由舉人任

州府張獻忠圍夔城凡二十餘日乾親冒矢石隨機制勝賊遁去擢四川巡撫率師禦寇於內江孤

軍援絕而死乾隆四十年予謚忠節李兆旂昆陽州人崇禎中為

旂守北門城陷被執不屈死之長子淳慟哭父屍亦罵賊死次子澄聞難奔赴負骨歸葬奉母避寇

山谷中母卒暮夜歸葬負土成墳廬於墓側乾隆四十一年予祀忠義祠劉昌應右

人明末為叅將流寇入滇倡義起兵屢戰不克為賊將所執不屈遇害乾隆四十一年予謚忠節

向琪左衛人為百戶聞流寇至宜良一家十六口皆繼死同時前衛千戶蔣薦百戶向宸亦闔

門死節乾隆四十一年
予祀忠義祠
薛大觀 字爾望昆明人為郡諸生李定國據雲南

大觀携家居黑龍潭上嘆曰吾當不惜七尺軀為

天下明大義子之翰曰大人死忠兒當死孝其母

顧之翰妻曰彼父子死忠孝我兩人獨不能死節

義乎相率投潭中死其侍女亦感激隨死乾隆四

十一年 予祀忠義祠
李方泌 昆陽州人性至孝篤於學流

舟避之為賊所獲泌不屈被殺婦抱子罵賊投水死乾隆四十一年 予祀忠義祠
段伯美

晉寧州人流寇至伯美偕諸生余繼善耿希哲助

知州冷陽春拒守城陷俱殉難死乾隆四十一年

予祀忠義祠
李開芳 富民人流賊入城妻及二子俱赴

忠義祠 井死開芳偕其友王朝賀走至松

花瀾俱自經乾隆四十一年 予祀忠義祠時在

籍知縣陳昌喬不受偽職為賊杖死乾隆四十一年

年予**唐泰**晉寧州人性高潔雲撫錢士晉稱為
謚節愍雲中一鶴晚年隱於僧著擔書使者

集**楊泰**安寧人幼聰穎力學不出戶庭明
末舉人不仕所著有虎邱溫泉志

本朝周養元昆明人流寇入滇將害其父養元號泣
願以身代賊感動父子俱得生事繼母

趙氏備極孝養趙年九十五卒養元已七十餘哀
慕如所生母後其子佩遭吳逆之變奉母楊氏避
兵於激江之撒拉村糧絕負米二百里外
晝夜兼行兩足流血人以為克嗣其孝云**萬必貴**

昆明人性篤孝奉父避兵山中遇大蛇祝曰吾固
當死奈二親何蛇竟去後歸傭力以養不缺甘旨
母疾侍湯藥跪進之衣不解帶者數月卒
後負土成墳邑令聞欲旌之固辭不受**張潤明**

人親疾叩天祈身**楊衍慶**昆明人流寇之難負父
代及歿廬墓盡哀避亂父被掠衍慶追救

并遭拷縛杖索皆斷賊驚釋之

施逢泰

昆明人康熙二十年大兵圍省城奉父避於姚安方

山偵胡國柱潰兵劫執逢泰憤甚罵賊賊怒殺之逢泰死而賊悔遂釋其父

熊才

昆明人少

有雋才為文援筆立就及長研精諸子百家書晚年詩文益邃尤工書畫片言尺牘人皆寶之

虞

世瓔

字虞山昆明人以薦授光祿寺署丞歷官通政司右參議工書法供奉內廷康熙中致仕

歸

胡士悅

字季凱昆明人廩生四歲失恃哀痛不食九歲父病親侍湯藥祈天願以身代

及父歿哀毀骨立事兄撫侄兼盡其道族黨交稱焉

趙士英

字鼎望昆明人康熙丙戌進士

改庶常假歸養親仲父之瑤貧而乏嗣奉之終身葬其師唐質生厚恤故人史纂之子皆人所難者

王思訓

昆明人康熙丙戌進士博學有文為諸生日嘗為當事聘修通志後以翰林檢討督

學江西典試廣東所著有近體諸詩行世

張旭

呈貢人康熙壬戌進士釋褐官檢討好讀書尤

工舉業嘗坐卧小室中肆力於古未幾卒於官

許希孔

字瞻魯昆明人雍正甲辰進士歷官

工部方侍郎事祖母繼母曲盡其孝雖處貴顯不啻寒素

陳印瑞

昆明人事親以孝聞有謝

姓者託以三百金後謝歿訪其子還之舊郡守梅姓遺女孫無依印瑞撫而嫁之

吳寬

昆明

人父歿募宿塚旁曉歸養母踰年母歿前後廬墓四載兄亡迎嫂侄同居雍正十三年

旌

郭

寬

昆明人性孝友良知天賦少長如

林雯

昆明人父母歿

先後廬墓六年

余崇

昆明人七歲母卒哀毀如成人

乾隆五年

張棟

安寧人少孤而貧竭力事母甘旨必

供母疾剗股以進友愛二弟嘗傾橐

導卒

欽定大清一統志

三

助之已則屢
空自甘也

楊杞

嵩明人母病待湯藥晝夜不倦
母卒廬墓有白犬守塚諸異

趙繼普

昆明人博學力行以貢生任蒙自訓導公
慎廉介課士有方文風一振著有雲莊詩

文程振鵬

昆明人孝友端方篤於行誼博聞強記
嗜著述有嶺雲編啟蒙韻學見聞錄數

十卷後以貢
任蒙化訓導

李因培

字其材乾隆乙丑進士學問
淹通詩文博瞻淵雅有法由

翰林洊擢內閣學士歷任山東江蘇浙江學政操
志清介獎拔寒俊而自持威重故所在畏其嚴肅
而樂其取士得實云巡撫湖南以劾屬
員虧空不實降四川按察使尋逮治
許璣易門

貧竭力事父母有魯奎野賊夜入
室執其父璣挺身捍父力鬪被殺

流寓唐閭邱均

成都人與陳子昂杜富言齊名武后
時官博士後從唐九徵為管記南中

碑碣多出其手賈島咸陽人能詩唐末寓雲雍陶成都人

昆明有送裴明劉有年沅州人建文中知太平府有治聲靖難師至有年守

義不迎因楊慎新都人嘉靖初以爭大禮議謫戌永昌歷三十五年郡縣名勝無不

遍搜著有滇載記尤愛昆明高峽山水清曠僑居久之詩文一脫手傳誦中土纂述甚富後竟卒於

滇

列女晉李毅女

名秀父毅為寧州刺史卒於官時蠻寇攻城毅子釗任洛還赴到牂柯路

塞停住交州文武以毅女秀明達有父才遂奉領州事秀適漢嘉太守廣漢王載載將家避地在南

故共推之又以載領南夷龍驤參軍秀獎勵戰討食糧已盡茹草炙鼠為命伺夷怠緩輒出軍掩破

首尾三年劉乃得達下父喪文武復逼劉領州府
事毅故吏毛孟等詣洛求救懷帝乃下交州使救

之助元梁王女雲南平章段功之妻後梁王忌功欲殺之令女毒焉女不從梁王卒殺功

女痛哭欲自盡梁王防衛周至女愁雅克特穆爾

妻托克托和氏雅克特穆爾為梁王部將明洪武時平雲南雅克特穆爾敗績於曲

靖馳歸氏閉門不納曰爾受梁王厚恩兵敗不死
何以見王乃鴆其二男一女命侍者曰我死舉火

焚屋毋令辱我遂飲鴆死雅克特穆爾舊作燕帖木托克托和氏舊作脫脫懷氏今俱改正明

李仁山妻楊氏昆明人仁山早世楊年十八生女未逾月父諷令更嫁楊引刀斷一

指曰指續可趙宣妻朱氏右衛人年十九夫卒誓嫁竟不能強死不二時南寧伯毛福

奇征麓川回謀娶之氏曰善為我辭必良朝元妻

郎氏

昆明人年二十夫卒撫遺腹子後亦夭苦節七十年又同縣閭厚妻金氏張翹妻王氏劉

悌妻韋氏秦春妻王氏吳承祚妻毛從讓妻劉氏

繆氏羅必舉妻張氏俱苦節終身

毛從讓妻劉氏

昆明人年二十四夫卒撫子義成立娶魏氏年甫十八義復卒遺孤禹一歲人謂魏年少恐難守魏

嘆曰吾姑不忍負吾舅吾忍負吾夫耶撫孤事姑一門雙節又同縣沈國英妻孫氏同姑張氏亦兩

世苦

完嗣昌妻太氏

昆明人許聘未娶氏年十六夫病篤父母許往侍湯藥不

三日而亡即守制不歸事

嚴可富妻高氏

宜良人

舅姑甚謹苦節六十六年

七夫卒以女紅給諸子讀書一日祭墓歸拾八十餘金訪其人還之子鎮妻汪氏少寡生遺腹子容

守節如姑人

稱嚴氏雙壁

周贊妻趙氏

宜良人年十八夫亡子

立娶妻生一子德芳又卒氏復撫孫年八十終又

同縣藍彬妻萬氏年十九夫亡無子紡績以養翁

姑苦節六十餘年

趙翰妻段氏

晉寧州人年二十夫卒撫

孀居五十載親戚罕見其面又同州蘇震妻段氏

唐錡妻陳氏千綸妻史氏蕭必達妻任氏李名奕

妻蘇氏楊大韶妻

孟氏俱甘貧守節王璽妻李氏

安寧州人年十九夫亡痛哭求死母

以其有遺腹勸為嗣續計及生女不變其志又同

州陳應貢妻董氏呈貢李志恭妻王氏俱夫亡家

貧撫孤終

王衢妻陳氏

祿豐人年十六夫歿伯叔

身苦節

王衢妻陳氏

憐其無子欲奪其志氏潛

赴水死隣婦救

王氏

祿豐人夫姓名失傳早歲夫

得甦守節而終

王氏

亡家貧苦守孝事翁姑翁姑

歿葬畢自縊於墓上又昆明王宓妻
時氏杜久徵妻白氏俱夫亡死節
楊東明妻陽

氏 昆明人年十五許聘未嫁聞東明卒哀痛求死
以救免後其母欲嫁之竟自縊死又同縣楊氏

女魏昇妻失其姓 趙苞女 安寧州人年十四值鳳
俱未嫁夫亡死節 逆之亂以衣蔽面投河

死又昆明縣南村婦避賊至 王業元妻許氏 祿豐
南壩河投水死不知為何氏 人夫

亡守節 厲阿克之亂 楊鈞妻李氏 嵩明州人鈞為
氏聞賊至自刎而死 永安州牧卒於

官囊無遺貲氏攜幼子扶櫬還里至廣陽堡遇寇
至遂投水死 永安人思鈞之清高氏之烈為建雙

節祠於 沐啟元妻陳氏 啟元為黔國公早卒子天
江干 波襲爵沙賊之變氏走朝

陽庵自焚死天波妻亦攜 沐天波女 許配劉文秀
幼女走金井庵亦焚死 子甫十齡文

秀子歿天波往弔家
人馳報女自縊死

羅天文妻洪氏

安寧州人沙賊亂氏以利

刃藏於身後為賊獲夫逡巡隨後氏遙謂夫曰君
自歸我不負君遂自刎死又祿豐縣周氏女王錫

哀妾尚氏錫哀弟婦宋

邵愈謙妻阮氏

昆明人名端通書史

氏俱聞賊至自縊死

流寇入滇閭家航昆明池避亂為賊搜獲氏題詩
舟中几上編髮聯衣自沉而死賊大感悟邵氏一

姓俱得生全又同縣王繡妻朱氏寇至隨羣婦避

地窖中為賊所覺氏出持刀斷已首賊大驚盡釋

羣婦

施堯心妻龍氏

昆明人流寇至氏與媳蔡氏
金氏女全妹二姑侄媳傅氏

而去

侄女二姐小妹孫媳朱氏孫女海長同時自縊人
傳施氏十烈其時寇至自盡死節者同縣則趙廷

壁妻黃氏薛之蕃妻楊氏並二女楊順成妻舒氏

嚴敦培妻任氏楊思義妻陳氏徐盛妻邵氏並一

女范立朝妻王氏並曾孫女性存郭對妻葛氏范
應貴妻胡氏施堯叙妻傅氏施于京妻黃氏楊歸
儒妻王氏並子德溥妻王氏王駟驤妻趙氏劉援
妻楊氏並妯娌子婦李為龍妻尹氏解從富妻李
氏解從應妻唐氏楊達偁妻羊氏朱運昇妻王氏
並妾陳氏金應斗妻張氏徐大妻竇氏並女大姐
羅綺妻張氏並妹羅氏熊才妻司氏張耀妻李氏
高遇說妻何氏並妹高氏丁焜南妻任氏丁炳南
妻金氏並妹小姑李祚昌妻謝氏張翹妻周氏周
祚興妻楊氏並弟婦羊氏侄媳高氏朱鼎妻張氏
朱霞妻寇氏楊三畏妻陸氏楊偉妻汪氏施于鑛
妻胡氏施濕妻嚴氏胡榮妻莊氏嚴敏培妻丁氏
並女錫慶嚴永培妻楊氏夏思周妻張氏夏思禹
妻余氏並媳馬氏何誥妻王氏何詔妻江氏卜國
泰妻金氏卜其昌女楊嗣緒妻段氏並女大姑陳
王烈妻徐氏趙從耀女長妹嚴賓妻徐氏並媳白

氏羅氏施氏姪媳韓氏胡氏一女四孫女侄孫媳
何氏姪孫女淑貞等董邦昌妻王氏妾何氏媳段
氏並女孫女從婢等薛大觀妻楊氏媳孟氏女夢
雲靜玉婢蘭馨等任允升妻趙氏弟允元妻薛氏
允中妻瞿氏侄女大妹任熙女黑姑婢王書王媽
媽等山崙妻趙氏媳王氏女二姐三姐山嶽妻沈
氏女二姐徐錫衮妻山氏女大姐王彛妻山氏並
同居楊氏等蘇騰吾妻陳氏媳何氏程其信妻陳
氏媳袁氏同婢八月姐等呈貢則張夔龍妻趙氏
同三女一媳安寧則羅肇龍妻楊氏不屈被殺者
昆明則嚴恩培妻湯氏安寧則張
維樞女昆明則吳國慶妻閔氏

本朝王養正妻洪氏

昆明陽州人年二十一夫卒有遺腹五月氏誓死以守後生子名

順天撫之成立為娶妻楊氏生子來賓順天復卒
楊亦撫孤守節事姑甚謹俱康熙二十四年旌

傅景明妻唐氏

昆明人年十八夫卒事姑撫子苦節五十六年康熙三十年旌

熊卜尚妻梁氏

昆明人年二十餘夫卒撫數月遺孤遭吳逆之變流離萬狀矢志不

渝康熙三十

旌戴高妻戊氏

昆明人年二十一夫亡刺喉噴血幾絕遇救而

旌

旌嘗割股以療姑疾撫子

郝翔妻蔡氏

昆明人年二十二夫

成立康熙四十四年旌

卒自縊以殉姑救免繼遭寇亂復投水死復以救

旌姑病焦渴食不下咽蔡覓乳哺之三年撫二子

成立康熙四十四年旌

黃珮妻唐氏

晉寧州人夫為諸生氏年二十一夫卒子夢祥

甫兩月矢志守節康熙四十四年旌

楊玉龍妻丁氏

昆明人年二十五夫卒子

幼翁姑欲遣嫁之氏截髮自誓子長娶媳尋

卒氏復與媳撫孤孫成立雍正五年旌

陳黼

宸妻倪氏

宜良人順治十五年流寇據滇大兵至賊奔宜良黼宸死之倪與妾李氏女陳

氏俱奮身跳崖死

雍正五年

旌 徐大聘妻陳氏

宜良人順治十六年避兵於紅

石崖其夫為寇所擄氏與妾楊氏恐見汚同投江死雍正五年

旌 楊桂伯妻王氏

昆明人年二十七夫亡二子幼氏欲以身殉或勸以姑老子穉乃止後子朝元卒媳王氏守節如姑

雍正九年旌 謝履恭妻李氏

昆明人年十六許聘未嫁聞夫計請奔喪不許遂絕

粒父母乃聽歸謝氏撫侄為嗣雍正九年

旌 保亮妻楊氏

宜良人年二十夫卒僅遺

一女孝事盲翁撫姪為嗣雍正九年

旌 陳其敬妻楚氏

呈貢人年二十六夫卒遺

孤甫三歲舅姑年皆六十餘氏紡績以養宅後有桑一株故夫手植每撫桑以哭桑為之枯雍正十

三年 旌 於崇惠妻李氏 昆明人于歸後值兵燹奉姑

供饗殮踵至流血年二十八夫亡事 旌 葉政妻郭氏

姑並謹教子成立雍正十三年 旌 昆明人夫貧罄奩贈以助膏火至體無完衣終無

怨言年二十九夫歿值沙賊之亂恐為賊污誘三 子出閉門自縊孫尚高妻任氏曾孫凌雲妻陸氏

俱年少夫亡養親撫孤甘貧守節皆雍正十三年 旌 宋裔良妻紀氏 晉寧州人年二十七夫亡無子

母唐氏昆明人父裔超早卒唐撫士 依侄士璋守節四十七年士璋 璋守節六十年皆雍正十三年 旌 李懷城妻呂

氏 嵩明州人年十六于歸適姑病篤奉湯藥三月 晝夜不懈年二十一夫亡紡績課子足不出戶

雍正十三年 旌 鄒近泗妻邢氏 昆明人年二十八夫亡 親族謂之曰汝家貧如

洗何所恃而守氏曰我能忍饑寒不能忍恥紡績撫孤守節三十五年

鄭士長妻吳

氏

昆明人年二十餘夫亡自縊以殉母救得甦士長本楚人客死貧甚子甫五歲氏晝夜紡績以

供衣食遂至兩目皆眊

邱成章妻金氏

昆明人年十八將嫁前三日夫暴病死氏

請於父母必欲往奠與至邱門拜見翁姑入室更練麻詣靈哭奠畢仍歸父母家遂僵卧不語不食父母苦勸終不開目九日卒

鐵峻妻馬氏

宜良人年十八未嫁夫卒女請往赴喪父

母止之令兩幼弟伴女在家而自往弔女給兩弟出更素衣自縊死

包光昌妻高氏

昆明人年十七夫亡剪髮結夫髮遂自縊以救免守節六十四年

楊芬妻

昆明人于歸七

月而夫卒誓志守節歷六十四年

戴國詔妻張氏

昆明人于歸未久夫病竭貲醫

治夫歿家計日窘奉姑甘旨無缺姑歿事繼姑亦甚謹教子桂讀書為諸生於乾隆元年旌表同

縣節婦閭俊妻劉氏張其能妻楊氏傳曰仁妻劉

氏王之賢妻陳氏羅明漸妻王氏錢元妻雷氏張

元龍妻李氏沈仲全妻阮氏蔣德宣妻劉氏張翰

妻李氏羅維城妻張氏朱鳳妻王氏張文英妻太

氏孫華妻阮氏彭洪妻張氏李春榮妻韋氏張明

耀妻劉氏方印妻張氏劉鎬妻解氏季大亨繼妻

劉氏韓世忠妻劉氏鄔際盛妻許氏季捷元妻李

氏劉嘉彥妻陳氏鄔氏新妻朱氏陳言妻顏氏董

洪明妻李氏夏應熾妻郝氏張倫妻李氏喬旭東

妻李氏段興漢妻王氏徐世榮妻王氏許國賓妻

蘭氏卜其昌妻田氏許天麟妻溫氏徐世貴妻張

氏郝維岐妻劉氏趙其璜妻夏氏劉忠妻王氏張

拱徽妻莊氏孫盛妻賀氏楊誼妻李氏卽宗位妻

吳氏阮正陽妻劉氏朱學孔妻韋氏馬元妻保氏

王章妻張氏蔡印妻段氏董正妻林氏潘永明妻
鄒氏胡統國妻金氏吳遵周妻周氏翟顯貴妻吳
氏劉聯捷妻周氏楊茂林妻陳氏徐朝盛妻唐氏
湯政妻唐氏生員盛以恭妻張氏艾雲昇妻李氏
王國珍妻李氏楊起鵬妻陳氏副貢黃廷垣妻羅
氏生員張起翔妻羅氏董國仲妻孫氏李樂天妻
施氏楊清妻嚴氏韓國安妻陳氏韓志明妻朱氏
李廷傑妻栗氏梁國泰妻李氏生員戚兆龍妻張
氏李浩妻楊氏夏騰龍妻楊氏陶進泰妻余氏錢
萬鎮妻卜氏申洪基妻董氏楊燁妻李氏杜詩妻
戴氏甘澤妻趙氏李才玉妻楊氏阮應宗妻許氏
殷學禮妻陳氏晏相齊妻丁氏張洪德妻戴氏許
希望妻李氏胡灝妻陳氏李國瑞妻季氏李昌妻
吳氏趙恩選妻楊氏吳君用妻劉氏生員段維綸
妻王氏劉英妻湯氏張炯妻謝氏馬化麟妻陳氏
周忬妻張氏譚瑜妻周氏司統妻凌氏羅一清妻

孫氏楊浩妻梁氏劉文熾妻嚴氏何翰妻太氏樂
瑞龍妻李氏楊溶妻張氏張琨妻李氏貢生陳一
貫妻李氏章文魁妻張氏宋旭昇繼妻王氏尚良
佐妻楊氏楊嘉信妻楊氏傅玉衡妻車氏蔣詰妻
向氏桂自成妻楊氏趙之珩妻李氏馬衍妻張氏
鄭善命妻胡氏胡世英妻李氏陳浩妻顧氏妾李
氏王景妻陳氏又烈婦溫鼎妻戴氏
並於乾隆元年以來先後旌表
萬鵬程妻楊

氏

富民人夫執父喪以毀卒氏奉姑教子子軸為
諸生乾隆元年旌表同縣生員陳彥妻江氏

生員段耀妻楊氏徐林
妻劉氏並膺旌表

俞呈琦妻趙氏

宜良人乾隆五年

旌表同縣許如廉妻陳氏生員陳時泰妻許氏李
興隆妻許氏羅英妻段氏何天睿妻周氏廖宇妻
尤氏楊曰杞妻周氏陳我素妻程氏陳元
振妻殷氏皆於乾隆年間先後旌表

李國榮

妻蘇氏

高明州人夫歿侍姑疾親嘗糞每食必薦夫乾隆元年旌表同州李懷城妻呂氏

晁學曾妻李氏楊士玠妻李氏閻宗智妻李氏黃

美中妻唐氏王道徵妻孟氏李利妻史氏姜尚志

妻劉氏李必魁妻張氏李聯元妻潘氏李昌榮妻

楊氏楊鶴林妻計氏唐世勲妻楊氏葛縉妻倪氏

李元光妻張氏楊照妻羊氏金宣妻楊氏李汝芳

妻季氏俱以節孝於乾隆元年以來先後旌表

徐敏妻楊氏

晉寧州人年二十三夫亡子甫二歲侍奉舅姑紡績自給子秉中入州庠

乾隆二年旌表同州趙政妻徐氏方賢妻趙氏

楊金重妻趙氏李天植妻管氏李德恩妻季氏俱

乾隆年間旌表

楊振烈妻李氏

呈貢人乾隆五年旌表同縣貢生戴天

後旌表

相妻袁氏於乾隆

毛翰妻劉氏安寧州人夫卒子甫八月孝事翁姑

二十二年旌表

教子列諸生乾隆元年旌表同州曹琮妻施氏

蘇潤源妻周氏楊詰妻施氏武舉王來賓妻李氏

揚士達妻李氏曹定邦妻張氏俱張紳妻高氏

於乾隆元年以來先後旌表

人乾隆五年朱彊妻何氏

年旌表

游庠娶媳張氏聯舉三孫錫趙又歿氏與張茹荼

撫孤後三子滇瀛溶長孫占魁皆遊庠人以為兩

世苦節之報乾隆二十年二

十八年姑媳並邀旌表

九德入州庠九德旋歿與媳張氏旌表

志撫孤乾隆二年姑媳同旌表

氏易門人夫客遊病歿有強欲求婚者氏忿激自

縊乾隆四年旌表又晉寧州人耿天和妻申

氏生員焦揆妻趙氏夫亡無

子或勸改嫁並縊於夫墓

仙釋唐無言

姓李氏嘗持一鐵鉢入定咒誦欲晴則鉢內火氣燭天遂霽欲雨則鉢內白氣

上升遂雨蒙氏封為灌頂禪師嘗於崇聖寺講經有一老翁侍立聽畢乘風雲而去衆驚問之曰此

洱水

元迦羅

姓趙氏諱通唐梵經書

明布張

昆明人有異術嘗為一姬作預

龍也

修齋於送神時伏地不起衆趨視之

提脚道人

姓

惟衣冠在地而已後又有人數見焉

洗一夕

化去

土產鐵

出昆明易門二縣後漢書地理志滇池出鐵

鹽

出安寧州漢書地理志連然有鹽官

烏帕

昆明縣出

布

出晉寧州塘頭極細密謂之塘頭布

太華茶

出太華山

拐棗

形曲如拐 **巨竹** 生易門縣蓄旬山箐中數尺一節夷語名竹為蕩蓋合於禹貢篠簜之音云

牛黃

唐書地理志昆州貢

銀珠

鉛粉

黃丹

俱昆明縣出

芸香

草

出昆明有二種一名五葉芸香能治瘡毒入夷方者攜之如嚼此草無味便知中毒服其汁吐

之自解一名韭菜


鏡面草

和猷箬酒服治閉月效

金線魚

出滇

池金線洞金色細鱗長不盈尺味鮮美



欽定大清一統志卷三百六十九